

৯০ ধর্ম বিষয়ক নিয়ম লঙ্ঘনের কল

অতিপ্রভুত ছুস্মারিশোধনীয় ঋণ-জালে বদ্ধ
হইয়া রহিয়াছে, তাঁহারদিগের ন্যায়-বিরুদ্ধ
যুদ্ধ-প্রবৃত্তিই তাহার এক মাত্র কারণ। তাহা
কেবল তাঁহারদিগের দুর্জয় আত্মদর, অ-
র্জনস্পৃহা, প্রতিবিধিৎসা ও জিয়াংসা-বৃত্তির
প্রবলতা ও উত্তেজনার কল। ইংলও ভূমি
১৬৮৮ অবধি ১৮১৫ খ্রীষ্টাব্দ পর্য্যন্ত ১২৭
বৎসরের মধ্যে ৩৫ বৎসর অতি প্রবল যুদ্ধ-
মলে দগ্ধ হয় এবং তাহাতে ২০২৩০০০০০০০
ছুই সহস্র ত্রয়োবিংশতি কোটি টাকা ব্যয়
হয়। তদ্ব্যতীত তত্রত্য প্রজাদিগকে কর স্বরূপে
১১৮৯০০০০০০০ একাদশ শত উননবতি
কোটি প্রদান করিতে হইয়াছিল, এবং রাজ-
পুরুষেরা ৮৩৪০০০০০০০ অষ্ট শত চতুস্ত্রিংশ-
কোটি ঋণ রূপে গ্রহণ করিয়াছিলেন।
অন্যাপি ইংরেজদিগকে সেই দুর্বল ঋণ-ভার
বহন করিতে হইতেছে, এবং ভূমিন্ত বর্ষে
বর্ষে প্রায় ত্রিশ কোটি টাকা কর স্বরূপে প্র-
দান করিতে হইতেছে। তাঁহারদিগের পুত্র
পুরুষেরা যে মহানর্থকর বিষম পাপ করিয়া
গিয়াছেন, তদীয় সমস্ত সমুদ্বিগ্নকে অন্য-
পি তাহার সম্যক্ শাস্তি ভোগ করিতে হই-

ভেছে। তাঁহারদের যুদ্ধ নির্যাস নিমিত্ত যত
অর্থ নষ্ট হইয়াছে, তাহার বিংশতি ভাগের
এক ভাগ যদি ধর্মপ্রবৃত্তির উপদেশানুযায়ি
শিক্ষা দান, পথ নিৰ্ম্মাণ, খাত খনন, দানশা-
লা সংস্থাপন প্রভৃতি সংকাৰ্য্যে ব্যয় হইত,
তবে এত দিনে ব্রিটেন ভূমি কি অনুপম সুখ-
ধামই হইত।

আপনারদিগের লোকজ্বর, অর্থ ব্যয়, ধা-
নপাপ, ধর্মোন্নতি নিবারণ, সুখ সভ্যতা বন্ধির
প্রতিবন্ধকতা, স্বজাতীর প্রজাদিগের দরিদ্রতা
বৃদ্ধি ইত্যাকার বিবিধ প্রকার বিষময় কল
ইংরেজ জাতির অধর্ম রূপ বিব-বৃক্ষে কলিত
হইয়াছে।

ইংরেজেরা যে সকল নিরুক্ত প্রবৃত্তির ব-
শীভূত হইয়া আমেরিকা-বাসিন্দিগের উপর
অত্যাচার করিয়াছিলেন, সেই সকল প্রবৃত্তি-
রই অনুবর্তি হইয়া ভারতবর্ষ অধিকার ও শা-
সন করিয়া আসিতেছেন। বিরলে বসিয়া এ
বিষয় আলোচনা করিলে বিশ্বর সাগরে মগ্ন
হইতে হয়। আমারদের ভারতবর্ষে যাহা-
রদের কিছুমাত্র স্বত্ব নাই, ও অন্ততঃ লো-
কদিগের সহিত যাহারদের কোন স্বাভা-

৯২ ধর্ম বিষয়ক নিয়ম লঙ্ঘনের ফল

বিক সম্বন্ধ নাই, তাঁহারা প্রথমে অতি ন-
ত্নভাবে এখানে আগমন করিয়া ক্রমে ক্রমে
এক সীমা অবধি সীমান্তর পর্য্যন্ত সমু-
দায় ভারতবর্ষ ছলে বলে কৌশলে হস্তগত
করিয়া নানা প্রকার যুক্তি-বিরুদ্ধ নিয়ম সং-
স্থাপন পূর্ব্বক একাধিপত্য করিতেছেন। প্র-
থমে কতিপয় ইংলণ্ডীয় বণিক অতি মৃদু ভাবে
আগমন করিয়া সমুদ্র-তটে অবস্থিতি করি-
লেব এবং তদুদারা এমত মহারাজ্যের সূত্র
পাত করিলেন, যে তাহা ক্রমে ক্রমে ভারতব-
র্ষীয় সকল রাজ্যই গ্রাস করিয়াছে, বৃহৎ
বৃহৎ রাজ-ভাণ্ডার লোপ করিয়াছে, এবং
এখানকার সকল লোকের সৌভাগ্য-স্রোত
রোধ করিয়াছে।

ইংরেজেরা অদর্শ সহকারে ভারতবর্ষ
অধিকার করিয়াছেন, এবং অদর্শ সহকারে
শাসন করিয়া আসিতেছেন। কিন্তু পরমেশ্ব-
রের নিয়ম লঙ্ঘন করিলে অবশ্যই তাহার
প্রতিকূল প্রাপ্ত হইতে হয়। অতএব, যে স-
কল নিরুচ্ছিন্ন প্রবৃত্তি অত্যন্ত প্রবল হওয়াতে
তাঁহারা ভারতভূমি অধিকার করিয়া প্রজা-
দিগের সহিত ন্যায়-বিরুদ্ধ ব্যবহার করিতে-

ছেন, সেই সকল মনোবৃত্তির প্রবলতা দ্বারা স্বদেশেরও অনেক প্রকার অনিষ্ট ঘটনা হইয়া আগিতেছে। তথাকার রাজ-নিয়ম ও রাজপুরুষদিগের ব্যবহার অধর্ম দোষে দু-ষিত হইয়া লোকের দ্বিত্বের ক্লেশ উৎপন্ন করিয়াছে। কিন্তু ইহাও বিবেচনা করিতে হইবে, যে পরাধীন লোকের অধর্ম না থাকিলে স্বাধীনত্ব নষ্ট হয় না। আপনারদিগের শারীরিক দুর্বলতা এবং বুদ্ধিবৃত্তি ও ধর্মোপবৃত্তির হীনতাই তাহারদিগের একপ দুর্বটনার মূল কারণ। বোধ হয়, একজাতির উপরে অন্য জাতির অত্যাচার করিবার ক্ষমতা এই অভিপ্রায়ে প্রদত্ত হইয়া থাকিবেক, যে অত্যাচারিত জাতি নিতান্ত অসহিষ্ণু হইয়া আপনাদিগের পরিত্রাণার্থ অধিকতর বল বীৰ্য্য প্রকাশে চেষ্টা করিবেক। কিন্তু ভয় হয়, কি জানি যদি ভারতবর্ষীয় লোকে পরমেশ্বরের অথবা নিয়মের অত্যাচার বিরুদ্ধাচরণ করিয়া এ পৃথিবী অধিকার বা তাহাতে বাস করিবার অযোগ্য হইয়া থাকে। মনুষ্যের শারীরিক শক্তি প্রকাশ এবং শক্তি-বিশিষ্ট উৎসাহি লোকের প্রভুত্ব ও রাজত্ব লাভই ঐশ্বরিক নি-

৯৪ ধর্ম বিষয়ক নিয়ম লঙ্ঘনের কল

য়নের প্রথম উদ্দেশ্য বোধ হয়। কিন্তু মনুষ্য ধর্মশাল জীব; ধর্মের আয়ত্ত করিয়া স্বীয় শক্তি নিয়োজন না করিলে অবশ্যই ক্লেশ ভোগ করিতে হয়। অধার্মিক লোকে রাজ্য অধিকার করিতে পারে, কিন্তু পরমেশ্বরের এই নিয়ম, যে তাহার মুখ স্বক্লেদে ভোগ করিতে পারেনা।

যে মহান্নার গ্রন্থানুসারে এই পুস্তক লিখিত হইয়াছে, তিনি এই প্রকার অনুমান করিয়া লিখিয়াছেন, যে “আমি ভরসা করি, আর এক শত বৎসর অতীত না হইতেই পরমেশ্বরের ধর্ম-বিষয়ক নিয়ম-প্রণালীর জ্ঞান লাভ বিষয়ে ব্রিটেনীয় লোক-সাধারণের এ প্রকার উন্নতি হইবেক, এবং তাহাতে তাহারদিগের এ প্রকার দৃঢ়তর প্রত্যয় জন্মিবেক, যে রাজপুরুষেরা আপনাদিগের ভারতরাজ্যাদিকার হিন্দু ও ইংরেজ উভয় জাতিরই অনিষ্ট-জনক বোধ করিয়া তাহা পরিত্যাগ করিবেন, অথবা ধর্ম্যানুগামি হইয়া কেবল হিন্দুদিগের উপকার উদ্দেশে উক্ত রাজ্য পালন করিবেন। কেহ কেহ বলিতে পারেন, যে ইতি পূর্বেই ইহা সম্পন্ন হইয়াছে; ভারত-

বর্ষ ইংরেজদিগের অধিকারে যে প্রকার সুখ
সৌভাগ্যের আলয় হইয়াছে, স্বকীয় রাজাদি-
গের অধিকার কালে মেকপ কখনই হয় নাই।
কিন্তু কেবল ইংরেজদিগের কথা প্রমাণে এ
বিষয় অবधारিত করিতে পারা যায় না; পরা-
ধীন লোকদিগের বাক্য দ্বারা ইহা কখনও স-
প্রমাণ হইতে শুনা যায় নাই। বিশেষতঃ, ইহা
প্রসিদ্ধই আছে, যে আমরা হিন্দুদিগকে পরা-
ধীন জাতি বিবেচনা করিয়া শাসন করি। এবং
তদনুগারে তাহারদিগকে সমুদায় উচ্চ উচ্চ
সম্ভ্রান্ত পদ লাভে বঞ্চিত রাখি। যথার্থ ধ-
র্ম্মানুগারে ভারতবর্ষ শাসন করিতে হইলে,
তদ্রূপ লোকদিগকে পরমেশ্বরের আকৃতিক নি-
য়ম বিষয়ে সম্পূর্ণ রূপ শিক্ষা দিতে হয়, এবং
বাহাতে তাহারদের তদ্বিষয়ে প্রজ্ঞা ও তৎ
প্রতিপালনে প্রবৃত্তি হয় এইরূপে প্রস্তুত করি-
তে হয়; রাজ্যের বিচার-কার্য্যে তাহারদি-
গকে নিযুক্ত করিতে হয়; তাহারদিগকে
ও ইংরেজদিগকে সমান পদ ও সমান ক্ষমতা
প্রদান করিতে হয়, এবং বাহাতে তাহারা
বুদ্ধিমান, স্বাধীন ও ধর্ম্মশীল হয় তাহার উ-
পায় করিয়া দিতে হয়। যদি কখনও আমরা

৯৬ ধর্ম বিষয়ক নিয়ম লঙ্ঘনের কল

তাহারদিগকে এই প্রকার সৌভাগ্যশালি করি,
এবং তাহারদের প্রতি কেবল ন্যায় ও দয়ানু-
যায়ি ব্যবহার করিয়া তৃপ্ত থাকি, তবে তদ্বারা
আমারদিগের প্রতি তাহারদিগের সম্প্রীতি ও
সমাদর প্রকাশ হইবে, এবং তখন আর তথায়
আমারদের সৈন্য সংস্থাপনের আবশ্যকতা থাকি-
বে না, অথচ আমরা বাণিজ্য-সম্পাদিত সমু-
দায় লাভ প্রাপ্ত হইতে পারিব। যদবধি ব্রিটে-
নীয় রাজ-পুরুষেরা পরমেশ্বর-প্রতিষ্ঠিত ধর্ম
বিষয়ক নিয়মে অবিশ্বাস করিয়া ভারতবর্ষের
বর্তমান শাসন-প্রণালী রক্ষা করিবেন, তদবধি
স্বদেশের রাজ-নিয়মও কখন সম্পূর্ণ রূপে দো-
ষ-শূন্য হইবেক না। আর যদবধি ঐ সমুদায়
নিয়ম অধর্ম দোষে দূষিত থাকিবেক, তদবধি
ব্রিটেন ভূমির প্রচলিত ধর্ম কেবল বাণুকামর
রজ্জু স্বরূপ হইবেক, সুতরাং তদ্বারা প্রজা-
দিগকে ধর্ম বন্ধনে বদ্ধ রাখিবার চেষ্টা নি-
তান্ত নিষ্ফল হইবেক; তাহার ধন-সম্পত্তি
কেবল আপনার পাশ স্বরূপ হইবেক, এবং
তাহার সামর্থ্য রূপ দারু-গর্ভে এমন বিষম
ঘৃণ গুপ্ত থাকিবেক, যে সে সকল বল ক্ষয়
করিয়া ব্রিটেনীয় রাজ্যকে অধর্ম-পালিত

ধর্ম বিবয়ক নিয়ম লঙ্ঘনের কল ৯৭
বিনষ্ট রাজ্য সমুদায়ের মধ্যে গণ্য করি
বেক।”

এক্ষণে, যাহাতে মহাশয় কুম্ভ সাহেবের
এই শেদোক্ত ভবিষ্যদ্বাণী সম্পন্ন না হয়,
তাহার চেষ্টা করা ইংরেজদিগের পক্ষে সর্ব-
তোভাবে কর্তব্য। ধর্মপ্রযুক্তির আধা-
রীকার পূর্বক রাজ্য শাসন বিষয়ে প-
রম মঙ্গলকর পরামর্শেরের শুভকর নিয়ম
পালন ব্যতিরেকে ইহার আর উপায়ান্তর
নাই।

সপ্তমাধ্যায়

প্রাকৃতিক নিয়মানুযায়ি দণ্ড বিধানের বিবরণ

প্রাকৃতিক নিয়ম লঙ্ঘন করিলে যে প্রকার অনিষ্ট ঘটনা হয়, ক্রমে ক্রমে তাহার বিবরণ করা গিয়াছে; এক্ষণে, পরমেশ্বর কি প্রকার নিয়মে ক্রিপ দণ্ড বিধান করেন, তাহা বিচারে প্রবৃত্ত হওয়া বাইতেছে।

দণ্ড শব্দ শুনিবা নাজ মনুষ্য-দত্ত দণ্ড মনে হয়, কিন্তু মনুষ্য-কৃত দণ্ড ও পরমেশ্বর-প্রতিষ্ঠিত প্রাকৃতিক-নিয়মানুযায়ি দণ্ডে অনেক বিশেষ। এক্ষণে, নানা দেশীয় রাজনিয়মানুসারে যে প্রকার দণ্ড বিধান হইয়া থাকে, তাহার সহিত দণ্ডিত ব্যক্তির কুকর্মের কোন স্বাভাবিক সম্বন্ধ দেখিতে পাওয়া যায় না। যে রাজা যেকপ দণ্ড বিধান করিতে

ইচ্ছা করেন, তিনি তাহাই পারেন, এই হেতু, পূর্বাধিক ভিন্ন ভিন্ন দেশে ভিন্ন ভিন্ন প্রকার রাজ্য-দণ্ড ব্যবহৃত হইয়া আসিয়াছে। কিন্তু প্রাকৃতিক নিয়মানুযায়ী দণ্ড শেকণ মতে, ভৌতিক, পারীভৌতিক বা মানসিক নিয়ম লঙ্ঘন করিলে যে স্বভাব-মিচ্ছা অনিষ্ট ঘটনা হয়, তাহাই প্রাকৃতিক দণ্ড। সৃষ্টিকর্তা সৃষ্টি কালেই তাহা নিরূপিত করিয়া রাখিয়াছেন; তাহার আর প্রকারান্তর হইবার সম্ভাবনা নাই।

নিয়ম থাকিলে সুকরাং এক জন নিরস্ত্র ও তাঁহার কৃতকগুলি প্রজা থাকে। নিরস্ত্রার সংস্থাপিত নিয়ম সমুদায় প্রতিপালন করা প্রজাদিগের কর্তব্য। নিরস্ত্রার স্বভাব কুই প্রকার হইতে পারে; হয়, তিনি নিরুচ্ছ প্রকৃতির বশীভূত হইয়া প্রজার উপর উপদ্রব করেন, নয়, ধর্মপ্রবৃত্তি দ্বারা প্রযোজিত হইয়া রাজ্য পালন করেন। যিনি নিরুচ্ছ প্রকৃতির বশীভূত হইয়া চলেন, কেবল স্বার্থ সাধনই তাঁহার প্রধান উদ্দেশ্য থাকে। তিনি প্রজাদিগের কল্যাণ চিন্তার আদৃশ সমোহে গীত না, সুকরাং তাহারদিগের মঙ্গল মাত্র উদ্দেশ্য করিয়া কোন নিয়ম প্রচার করেন না। লবণ

ও অহিংসাদি মানক দ্রব্য বিবরণক একচেটিয়া রাখিলে ইংরেজদিগের বধেট লাভ আছে তাহার সন্দেহ নাই, কিন্তু তাহাতে প্রজার অগ্গকার তিমি কিছু মাত্র উপকার নাই। তাহারদিগের নিকট প্রভৃতি প্রবল না থাকিলে, একেবারে ন্যায়-বিবর্তন নিয়ম সংস্থাপিত করিতে ও অদ্যাপি প্রচলিত রাখিতে কোন ক্রমেই প্রবৃত্তি হইত না। সুইজার্ল্যান্ড দেশের অস্ত্রপাতি উরি প্রদেশের এক শাসনকর্তা একটা জুন্ডের উপর আপনার টুপি নিবদ্ধ করিয়া প্রজাদিগকে কহিয়াছিলেন, “তোমরা আমাকে যেরূপ সমাদর কর, এই টুপিকেও সেইরূপ করিও।” এই অন্যান্য অনুমতি তাহার জুজব আশ্বাসের কার্য, ধর্মপ্রবৃত্তির অনুগত নহে। প্রজাদিগের অধীনত ও দাসত্ব দেখিয়া স্বাভাৱিমা প্রকাশ করা, ইহার এক মাত্র প্ররোজন। ইহাতে প্রজাদিগের কিছুমাত্র কল্যাণ নাই, কেবল লাঘব ও অপমান। অতীত, যিনি ধর্মপ্রবৃত্তি দ্বারা প্রবর্তিত হইয়া চলেন, প্রজার হিত চেষ্টা করা তাহার প্রধান উদ্দেশ্য থাকে। তদনুসারে, তিনি শুভদায়ক নিয়ম সমুদায় সংস্থাপন করিয়া তাহারদিগের

সুখস্বচ্ছন্দতা সাধনে যত্নবান্ হন, এবং তা-
হারদিগের উপকার করিতে পারিলেই পর-
মাপায়িত হইয়া আপনাকে চরিতার্থ বোধ
করেন। যদি কোন রাজা এই রূপ নিয়ম
প্রচার করেন, যে আমার রাজ্যে কেহ চুরি
করিতে পারিবে না, যদি কেহ করে,
তবে যদবধি তাহার কুপ্রবৃত্তির নিবৃত্তি
হইয়া চরিত্র শোধন না হয়, তদবধি তা-
হাকে কারারুদ্ধ থাকিয়া উত্তম শিক্ষকের
সমীপে ধর্মোপদেশ গ্রহণ করিতে হইবে,
তাহা হইলে সেই রাজার ন্যায়পরতা ও উপ-
চিকীর্ষাদি ধর্মপ্রবৃত্তি যে বিলক্ষণ প্রবল ও
নিরুপকৃত প্রবৃত্তি সমুদায় যে তাহারদের আয়ত্ত,
ইহাতে আর সংশয় থাকে না। রাজার
স্বার্থ লাভ এ নিয়ম সংস্থাপনের উদ্দেশ্য
নহে, কেবল প্রজাদিগের সুখবৃদ্ধি ও অন্য-
য়াচরণ নিবারণ মাত্র ইহার প্রয়োজন।
যদিও দোষি ব্যক্তিকে রুদ্ধ করিয়া রাখাতে
ক্লেশ দেওয়া হয় বটে, কিন্তু তাহাতে কিছু
মাত্র নিষ্ঠুরতা প্রকাশ হয় না; কারণ যদি
তাহার এইরূপ দণ্ড বিধান না করা যায় এবং
সকলে তাহার দৃষ্টান্তানুগাণি হইয়া চোরা-

ব্রত অবলম্বন করে, তবে ক্রমে ক্রমে হত-
সর্বস্ব হইয়া মনুষ্য-কুল নিমূল হইয়া যায়।

জগদীশ্বর এই শেযোক্ত তাৎপর্যানু-
সারে সমুদায় নিয়ম সংস্থাপন করিয়াছেন,
কারণ সৃষ্টি মধ্যে এপ্রকার কোন কার্য বা
কোন কৌশল দৃষ্ট হয় না, যে তাহা নৃষ্টি-
কর্তার কোন নিরুক্ত প্রবৃত্তির চরিতার্থতা
সাধনার্থ সঙ্কল্পিত হইয়াছে। তিনি যে
পুঙ্খোক্ত দুর্বল শাসনকর্তার ন্যায় কেবল
আত্ম পরিতোষ লাভ ও আত্ম প্রভুত্ব প্রকা-
শার্থে কোন প্রসিদ্ধ স্থানে আপনার প্রতিকপ
সংস্থাপন করিয়া লোকদিগকে তাহার সেবা
করিতে কহিবেন, ইহার পর অসম্ভব আর
কিছুই নাই। যিনি আমাদেরদিগকে পরম
শুভকারিণী পরহিতৈষিণী ধর্মপ্রবৃত্তি প্রদান
করিয়াছেন, তাঁহার এপ্রকার ব্যবহার করা
কোন ক্রমেই সম্ভাবিত নহে। বাস্তবিক,
পরমেশ্বরের প্রাকৃতিক নিয়ম যত দূর জানা
গিয়াছে, তাহাতেও স্মৃতি বোধ হইতেছে,
যে তাঁহার সমুদায় নিয়ম জীবদিগের সুখো-
দ্দেশ্যেই সংস্থাপিত হইয়াছে। লোকে নি-
য়ম লঙ্ঘন করিলে যে তাহার দুঃখ কপ কল

প্রাপ্ত হয়, ইহাও পরমেশ্বর তাহারদিগকে
সমুপদেশ প্রদান ও সংপথ প্রদর্শন করণার্থ
নিয়োজন করিয়াছেন। একথা যথার্থ বটে,
যে অদ্যাপি অনেক প্রকার উৎপাত ঘটনার
যথার্থ ভাৎপর্য্য সুন্দর রূপে প্রতীত হয় নাই,
কিন্তু সৃষ্টি-ক্রিয়া বিষয়ক জ্ঞান যত বৃদ্ধি হই-
তেছে, সৃষ্টিকর্তার মঙ্গলাভিপ্রায় বিষয়ক সং-
শয় তত দূরীকৃত হইতেছে। পূর্বে যাহা
অনির্ঘটকর জ্ঞান ছিল, এক্ষণে তাহা ইচ্ছকর
বলিয়া বোধ হইতেছে, এবং এক্ষণে যাহা
অশুভদায়ক জ্ঞান হইতেছে, ভবিষ্যতে তাহা
শুভদায়ক বলিয়া বোধ হইবার সম্পূর্ণ সম্ভা-
বনা আছে। যদি নিয়ম লঙ্ঘন করিলে ক্লেশ
না হইত, তবে লোকে একবার কোন নিয়ম
লঙ্ঘন আরম্ভ করিলে, ক্রমাগত সেই নিয়মের
বিরুদ্ধাচরণ করিয়া ধ্বংসরোনাতি ক্লেশ ভোগ
করত আপনার স্বভাবকে একেবারে মলিন
করিয়া ফেলিত, অথবা অবিলম্বে অসামান্য রোগে
আক্রান্ত হইয়া অকাল মৃত্যু প্রাপ্ত হইত।
কিন্তু, জগদীশ্বর জগতের যেকোন শৃঙ্খলা করিয়া
রাখিয়াছেন, তাহাতে নিয়ম লঙ্ঘনের সঙ্গে
সঙ্গেই ক্লেশানুভব হইয়া মধ্যে মধ্যে পাপি

ব্যক্তির কুপথ-ভ্রমণ স্থগিত করিয়া রাখা, এবং কোন কোন ব্যক্তিকে পাপ-পথের মধ্যস্থান হইতে কিরিয়ান আনিয়া মৎপথে প্রবর্তিত করে।

ইহা সকলের বিদিত আছে, যে জন্তুরই হউক আর উদ্ভিজ্জেরই হউক, শরীর মাত্রই দক্ষ হয়। এই ভৌতিক নিয়মানুসারে কাঠ, তৈল, বস্মা, চর্ম্ম প্রভৃতি বস্তু অগ্নি-সংযুক্ত হইলে দক্ষ হয়। এক্ষণে, দাহমান বস্তুর এই গুণ মনুষ্যের উপকারী কি না, তাহা বিবেচনা করা কর্তব্য। ইহা প্রসিদ্ধ আছে, অগ্নি দ্বারা অন্ন পাক হয়, রাত্রিকালে আলোক প্রাপ্ত হওয়া যায়, শীতের সময়ে শীত নিবারণ হয়, এবং অন্যান্য অনেক প্রকার উপকার হয়। অতএব, শারীরিক বস্তু অগ্নি-সংযুক্ত হইলে যে নিয়মানুসারে দক্ষ হয়, তাহা অশেষ প্রকার কল্যাণদায়ক, তাহার সন্দেহ নাই। বৃক্ষের শরীর ও পশুর শরীরের ন্যায় মনুষ্য-শরীরও এ নিয়মের অধীন; অগ্নি-কুণ্ডে পতিত হইলে তাহাও দক্ষ হইয়া উদ্ভীভূত হয়, আর তদপেক্ষায় অল্প তেজঃ প্রাপ্ত হইলে শিথিল ও বিকল হইতে থাকে। অতএব, পরমেশ্বর মনু-

বাদিগকে অগ্নি-সম্ভাবিত বিষম বিপত্তি হইতে রক্ষা করিবার কি উপায় করিয়াছেন তাহা বিবেচনা করিয়া দেখা উচিত। তিনি আমা-
রদিগকে ন্যূনাধিক উত্তাপ অনুভব করিবার যে আশ্রয়্য শক্তি প্রদান করিয়াছেন, তাহা-
তে পূৰ্ব্বোক্ত উপায় সম্পাদনের আর কিছু
অবশিষ্ট নাই। যে প্রমাণ উত্তাপ শরীরের
পক্ষে উপকারী, তাহা সুখকর জ্ঞান হয়; তদ-
পেক্ষা প্রথর হইরা কিঞ্চিৎ অপকারী হইলে,
কিছু কিছু ক্লেশানুভব হয়; যখন তদপেক্ষাও
প্রবল হইরা শরীর বিকল করিতে আরম্ভ করে,
তখন বিশিষ্টরূপ ক্লেশকর হইতে থাকে;
যখন এমনত প্রবল হইরা উঠে, যে তদদূরা শ-
রীর বিশৃঙ্খল ও বিনষ্ট হইতে আরম্ভ হয়,
তখন আর যন্ত্রণার পরিসীমা থাকে না। এই
সমুদায় ব্যাপার আপাততঃ অপকারক বোধ
হয় বটে, কিন্তু ইহার তাৎপর্য্য অতিউত্তম। যে
নিয়মানুসারে কাষ্ঠ, বস, চন্দ্রাদি দহন হয়,
তাহা অশেষ কল্যাণদায়ক; আমরা তদনুযায়ি
কার্য্য করিলে নানা প্রকার উপকার প্রাপ্ত
হই। কিন্তু অগ্নির আতিশয্য ও অবধা নিয়মে
নিয়োগ দ্বারা বিপৎ নষ্টাবনা আছে বলিয়া,

কল্পণাময় পরমেশ্বর তন্নিরাকরণার্থ দুন্দর উপায় করিয়া দিয়াছেন। তিনি আমারদিগকে বুদ্ধিরূতি ও সাবধানতা প্ররূতি দিয়াও ফাষ্ট হন নাই, আমারদের শরীরের সর্বস্থানে তাপানুভব-শক্তি স্বরূপ প্রহরি নিম্নুক্ত রাখিয়াছেন। আমারদের অগ্নি-সম্ভাবিত বিপদ বত বৃদ্ধি হয়, সে ততই চীৎকার করিয়া সাবধান করিতে থাকে, এবং যখন এ প্রকার দুর্ভিক্ষপাক উপস্থিত হয় যে অবিলম্বে মৃত্যু স্থিতিতে পারে, তখন একপ উচ্চৈশ্বরে আমারদিগকে বিপদুৎকারার্থে বজ্রবান্ হইতে কহে, যে তদ্বারা আমারদের সমুদায় শারীরিক ও মানসিক শক্তি অতিমাত্র উত্তেজিত হইয়া তন্নিরাকরণে সচেতনিত হয়। ইহাতে পরম মঙ্গলাকর পরমেশ্বরের কি অপার মহিমা ও আশ্চর্য্য কৌশল প্রকাশ পাইতেছে ! যখন আমারদিগের নিয়ম-লঙ্ঘন-জনিত দোষের তারতম্যানুসারে উত্তাপানুভবের ভারতম্য হইয়া আমারদিগকে সাবধান হইতে উপদেশ করে, তখন সে উপদেশ পরমেশ্বরের সাক্ষাৎ আজ্ঞা স্বরূপ জ্ঞান করিয়া একান্ত বজ্র পূর্বক প্রতিপালন করা কর্তব্য।

যদি কেহ এপ্রকার আপত্তি উত্থাপন করেন, যে তাহারদিগের উপস্থিত বিপদ নিরাকরণের সামর্থ্য আছে, তাহারদিগের পক্ষে এ নিয়ম শুভদায়ক বটে, কিন্তু যে অপোগণ্ড বালক ও জরা-জীর্ণ বৃদ্ধ প্রভৃতির তাদৃশ সামর্থ্য নাই, তাহারদিগের উপর এ নিয়ম প্রচার করা যুক্তি-সিদ্ধ নহে। যখন তাহারা শারীরিক শক্তির অস্পতা প্রযুক্ত আপনাদিগের শরীর স্বায়ত্ত রাগিতে না পারিয়া কোন নিকটবর্ত্তি অগ্নি-কুণ্ডে পতিত হয়, তখন তাহারদিগকে দাহ-আনায়ে অগ্নিত করা দয়াবানের কার্য্য নহে। কিন্তু এপ্রকার আপত্তি করা অদূরদর্শিতার কার্য্য। যদি পরমেশ্বর বালক ও বৃদ্ধকে এই দাহ-বিষয়ক নিয়মের অধীন না করিতেন, তবে তাহারদিগের পক্ষে অগ্নি থাকা ভার না থাকা উভয়ই তুল্য হইত। তাহা হইলে, অগ্নি দ্বারা যে শত শত প্রকার উপকার দর্শে, তাহাতে তাহারদিগকে নিতান্ত বঞ্চিত থাকিতে হইত। বিশেষতঃ তাহার শরীর যত দুর্ব্বল, নিয়মিত উত্তাপ সেবন করা তাহার পক্ষে তত আবশ্যক। অতএব, অগ্নি বিনা ক্ষীণ-কায় বালক ও জীর্ণ-

কাষ বুদ্ধের প্রাণ ধারণ ও সুখ স্বচ্ছন্দতা লাভ করা অসাধ্য হইত। যদি কেহ বলেন, অগ্নি হইতে যে সকল উপকার প্রাপ্ত হওয়া যায়, তাহাতে তাহারদিগকে বঞ্চিত না করিয়া একপ নিয়ম করিলে হইত, যে তাহারদের শরীর দক্ষ হইলেও ক্লেশানুভব হইত না। কিন্তু বিবেচনা করিলে, ইহাতেও অনিষ্ট ব্যতীত কিছুমাত্র ইষ্ট সাধন হইত না। প্রথমতঃ, যে নিয়মানুসারে অগ্নি উষ্ণতায় সুখানুভব হয়, সেই নিয়মানুসারেই অধিক উষ্ণতায় ক্লেশ বোধ হয়, কারণ উত্তাপের আতিশয্য হইলেই দাহ-জনিত যাতনা উৎপন্ন হয়। অতএব, সে নিয়ম রহিত হইলে কেবল দাহ-জন্য দুঃখানুভব নিবারিত হইত এমন নহে, সুখেরও হানি হইত। দ্বিতীয়তঃ, যদি গাত্রে অগ্নি স্পর্শ হইলে ক্লেশানুভব না হইত, তবে তাহারা অগ্নি-কুণ্ডে পতিত হইলেও তাহা হইতে উদ্ধার হইবার চেষ্টা পাইত না। এক্ষণে যে প্রকার নিয়ম আছে, তাহাতে কোন বালক অগ্নিস্থানে পতিত হইলে তাহার প্রথর তেজ সহিতে না পারিয়া তাহা হইতে উদ্ধারার্থে সাধ্যমত চেষ্টা করে, এবং তদর্থে উচ্চৈশ্বরে পিতা,

মাতা, ভ্রাতা প্রভৃতিকে আহ্বান করে। অগ্নি স্পর্শ দ্বারা ক্রেশানুভব না হইলে, সে আপনার রক্ষার্থ যত্নবান্ না হইয়া স্বহৃদ চিত্তে অগ্নি-শয্যায় বিজ্ঞান করিত ও তাহার সুকোমল শরীর ক্রমে ক্রমে দগ্ধ হইয়া ভস্মীভূত হইত। তাহার পিতা মাতা তৎসম্বিহিত গৃহে থাকিলেও এ বিঘন বিপত্তির সংবাদ পাইতেন না, অবশেষ কার্যান্তর উপলক্ষে সেই অগ্নি-স্থানে আগমন করিয়া প্রিয়তম পুত্র বা মেহাস্পদ কন্যাকে ক্রুদ্ধবন অঙ্গার-খণ্ড রূপে পরিণত দেখিতেন। জগতের নিরম আমানুদ্বিগের মনঃকম্পিত হইলে এএকার অনির্ঘটনার সম্ভাবনা থাকিত। কিন্তু কুরুণাময় পরমেশ্বরের কি আশ্চর্য্য কৌশল ! একদা, একদা বিপদ উপস্থিত হইলে বালক আপনা হইতে ক্রন্দন করিয়া উঠে, এবং তাহা শুনিয়া মাতা পিতা মাতা ধাবমান হইয়া তাহাকে রক্ষা করে। ততএব, শরীরে অগ্নি সংযোগ হইলে যে ক্রেশানুভব হয়, পরম কাকুণিক পরমেশ্বর তাহা আমানুদ্বিগের কল্যাণার্থেই বিশদ করিয়াছেন। কিন্তু সে ক্রেশও তাহার নিরম লজনের কল : যদি আমরা

শারীরিক ও মানসিক চেষ্টা দ্বারা তাঁহার শু-
ভকর অভিপ্রায় সম্পন্ন করিতে পারি, তবে
আর এ ক্লেশ প্রাপ্ত হইতে হয় না।

পরমেশ্বরের নিয়ম লঙ্ঘন করিলে ক্লেশ
প্রাপ্ত হইতে হয়, ইহা যে তিনি আমারদের
হিতার্থে নিয়োজন করিয়াছেন, তাহা শারী-
রিক নিয়মের বিষয় বিবেচনা করিয়া দেখি-
লেই স্পষ্ট প্রতীত হয়। কোন গুরুতর শা-
রীরিক নিয়ম লঙ্ঘন করিলে যদি বেদনা বোধ
না হইত, তবে তদ্বারা রোগ সঞ্চার হই-
লেও আমরা জানিতে পারিতাম না, সু-
তরাং তৎপ্রতীকারার্থে চেষ্টাও করিতাম
না। ইহাতে আমারদিগের অজ্ঞাতসারে
ক্রমে ক্রমে রোগের বৃদ্ধি হইয়া আমারদিগকে
মৃত্যু-মুখে পতিত করিত। অতএব, রোগোৎ-
পত্তি হইলে যে প্লানি ও যাতনা বোধ হয়,
তাহা আমারদিগের শুভাভিপ্রায়েই সঙ্কল্পিত
হইয়াছে। সে যাতনাকে জগদীশ্বরের সা-
ক্ষাৎ উপদেশ স্বরূপ জ্ঞান করিয়া তদনুসারে
উপস্থিত রোগের চিকিৎসা করা ও ভবিষ্যতে
শারীরিক নিয়ম প্রতিপালনে যত্নবান থাকা
উচিত। হস্ত পাদাদি ভগ্ন হইলে যে বেদনা

বোধ হয়, তাহাতে তিন প্রকার উপকার আছে; প্রথমতঃ সেই অঙ্গ যে ভগ্ন হইয়াছে ইহা নিশ্চিত অবগত হওয়া যায়; দ্বিতীয়তঃ তাহার প্রতিক্রিয়া না করিয়া আর ক্লান্ত থাকা যায় না; তৃতীয়তঃ চিকিৎসারত্তের পরে যদি সেই বেদনা-গ্রস্ত স্থান চলিত বা আহত হয়, তবে তাহার ব্যতনা বৃদ্ধি হইয়া এই উপদেশ প্রদান করে, যে যে বস্তু বা যে কার্য দ্বারা প্রতীকারের ব্যতিক্রম ঘটে, তাহা নিঃশেষে পরিত্যাগ করা কর্তব্য। অতএব, এপ্রকার স্থলে যে ক্লেশ অনুভূত হয়, তাহা অধিক ক্লেশ ও অকাল-মৃত্যু মিবারণার্থেই নিয়োজিত হইয়াছে। বোধ হয়, যেন “যে কোন প্রকারে হউক, রোগ শান্তি করিতেই হইবে” এইরূপ প্রতিজ্ঞা করি হইয়া পরমেশ্বর তাহার একমাত্র উপায় স্বরূপ বেদনা বিধান করিয়াছেন। বেদনার যত আধিক্য হয়, বোধ হয়, যেন তত ব্যগ্রতা প্রকাশ করিয়া তিনি আমাদিগকে প্রতীকার চেষ্টা করিতে অনুমতি করিতেছেন। অতএব, যে ছুঃখ কেবল সুখেরই কারণ, কেনা তাহা প্রার্থনা করে? এবং যে পরম পুরুষ তাহা নিয়োজন করিয়াছেন, তাহার সমীপে কে

না কৃতজ্ঞতা স্বীকার করিবে? রোগ-জন্য বা-
তনার যে সকল প্রয়োজন অবধারণ করা গেল,
জাহার পদে পদে আশ্চর্য্য কৌশল ও অ-
সাধারণ করুণা প্রকাশ পাইতেছে। বিশে-
ষতঃ, যে স্থলে পীড়া শান্তির আর সম্ভাবনা
না থাকে, সে স্থলে যে তিনি মহৌষধ স্বরূপ
মৃত্যুকে প্রেরণ করিয়া সকল দুঃখ নিবারণ ক-
রেন, ইহাতে অন্তিম কাল পর্য্যন্ত তাঁহার করু-
ণার নিদর্শন দৃষ্ট হইতে থাকে। অতএব, নিয়ম
লঙ্ঘন করিলে যে ক্লেশ হয়, তাহা আমারদি-
গের হিতার্থেই নিয়োজিত হইয়াছে। কোন
শারীরিক নিয়ম লঙ্ঘন করিলে যে অনিষ্ট
ঘটনা হয়, তাহা নিবারণার্থ চেষ্টা করি, এবং
ভবিষ্যতে ভ্রূপ অপকর্ম্ম আর না করি, এই
ছুই পরম কল্যাণকর প্রয়োজন সাধনার্থ পর-
ম কারুণিক পরমেশ্বর শারীরিক নিয়ম লঙ্ঘ-
নের প্রতিকূল স্বরূপ দুঃখ সৃজন করিয়াছেন।
যে স্থলে ঐ দুঃখ রূপ মহৌষধ দ্বারা প্রতী-
কার সম্ভাবনা না থাকে, সে স্থলে মৃত্যুকে প্রে-
রণ করিয়া সকল পীড়া শান্তি করেন।

বুদ্ধিবৃত্তি ও ধর্ম্মপ্রবৃত্তি বিষয়ক নিয়ম
লঙ্ঘন করিলে যে ক্লেশ ঘটে, তাহারও এই

প্রকার তাৎপর্য্য কি না, বিচার করিয়া দেখা উচিত। এ বিষয় নিরূপণ করা সুকঠিন ব্যাপার; অথ্রে ইতর জন্তুর কার্য্যাদার্য্যের কলাকল পর্যালোচনা করিয়া পরে মনুষ্যের বিষয় বিবেচনা করিলে অনেক সুগম বোধ হইতে পারে।

মনুষ্যের ন্যায় ইতর জন্তুও ভৌতিক ও শারীরিক নিয়মের অধীন। মনুষ্যের ন্যায় ইতর জন্তুদিগের ক্ষতক গুলি নিকট প্রবৃত্তি আছে, এবং এপ্রকার কিঞ্চিৎ বুদ্ধিও আছে, যে তাহারা তাহারা স্ব স্ব কার্য্যের কলাকল জানিতে পারে। তাহারাও এই সকল প্রবল প্রবৃত্তির বশীভূত হইয়া পরস্পর অন্যায়চরণ করে, ও ভদ্রবায়ুগণ পরস্পর শাস্তি প্রদানও করিয়া থাকে; কিন্তু মনুষ্যের যেমন অন্যায়চরণকে পাপ বলিয়া জ্ঞান আছে, তাহাদের সেনাপ নাই। কুকুরের যে স্বভাব জ্ঞান আছে, তাহার অনেক প্রমাণ প্রাপ্ত হওয়া যায়। যদি কোন কুকুর এক ধান চক্ষ লইয়া কোন স্থানে রাখে, এবং যদি আর একটা কুকুর তাহা হরণ করিবার চেষ্টা করে, তবে তাহা দৃষ্টি করিয়া ঐ চক্ষাধিকারি

কুকুরের প্রতিবিধিৎসা ও জিঘাংসা বৃত্তি উত্তেজিত হয়, এবং সে এই দুই বৃত্তির বশবর্তী হইয়া আততায়ি কুকুরকে দংশন ও প্রহার করিতে প্ররূত হয়। কিন্তু এপ্রকার অতিকল প্রদান করা কেবল নিরুফ্ট প্ররূতির কার্য্য। তাহারদের একপ কোন ধর্মপ্ররূতি নাই, যে তদ্বারা অবৈধ কর্ম্মকে পাপ বলিয়া বোধ করিতে পারে। তাহারা নিরুফ্ট প্ররূতির দশবর্তি হইয়া উহাকে চরিতার্থ করিতে বাধ্যমান হয়। কিন্তু ইহাতে শুভ ফলই উৎপন্ন হইয়া থাকে। আততায়ি জন্তুর আক্রমণে যে আক্রান্ত জন্তুর জিঘাংসাদি বৃত্তি উত্তেজিত হইয়া আততায়ি জন্তুকে দমন করিতে প্ররূত হয়, ইহা পরমেশ্বর ইতর প্রাণিদিগের পরস্পর অত্যাচার নিবারণার্থে নিয়োজন করিয়া দিয়াছেন। বাস্তবিক, ইহাতে জন্তুদিগের পরস্পর শাসন হইয়া এক প্রকার ন্যায়ানুগত কার্য্যই সম্পাদিত হইতেছে।

এ প্রকার শান্তি বিধানকে কল্যাণদায়ক বলিয়া উল্লেখ করিবার পূর্বে, এ নিয়ম আততায়ি জন্তুদিগেরও হিতকারী কি না, তাহা বিবেচনা করিয়া দেখা উচিত। বাস্তবিক, এ

নিয়ম তাহারদের পরম মঙ্গলদায়ক। যদি সমুদায় কুকুর আপন আপন আহার আবেষণ পরিত্যাগ করিয়া কেবল অপহরণ করিতে প্রবৃত্ত থাকিত, তবে কুকুর-কুল অবিলম্বে নিৰ্ম্মল হইয়া যাইত। অতএব, যখন আততায়ির এপ্রকার প্রতিকল প্রাপ্তি তাহার এবং তজ্জাতীয় সকল জন্তুর কল্যাণদায়ক, তখন তাহার শাস্তি-ভোগ যে ন্যায়ানুগত ও শুভাভি-প্রায়ে সংকল্পিত, ইহাতে সন্দেহ নাই।

জগদীশ্বর তাহার ইতর জন্তু অপ নিরুপ-প্রজাদিগের অন্যায়চরণ নিবারণার্থ অন্যান্য প্রকার কৌশল করিয়াছেন, তাহাও অবগত হওয়া অনাবশ্যক নহে। প্রথমতঃ, বধার্থ আততায়িভিন্ন অন্য কাহাকেও তাহারদের শাস্তি দিবার সম্ভাবনা নাই, কারণ অপহরণাদি করিতে না দেখিলে তাহারদের ক্রোধোদয় হয় না। দ্বিতীয়তঃ, অত্যাচারী আততায়ী জন্তু যদি অত্যন্ত অনিষ্টকর কর্ম না করে, তবে অত্যাচারিত জন্তু তাহাকে কুজিয়াতে নিবৃত্ত দেখিবা মাত্র নিরস্ত হয়, তাহাকে আর কিছু বলে না। আপনার আহার-দ্রব্য রক্ষা করিতে পারিলেই তুষ্ট থাকে,

তাহা পরিত্যাগ করিয়া শত্রুর পশ্চাৎ বাব-
মান হইতে চাহে না।

ইতর জন্তরা আততায়িকে শাস্তি দিবার
সময়ে তাহার কুব্যবহারের কারণ অনুসন্ধান
করে না। আততায়ী অত্যন্ত দুর্বল হইতেই পতিত
হউক, আর অজ্ঞানিত ক্ষুধানলেই বাদজ হই-
তে থাকুক, তাহাতে তাহারা কিছু মাত্র ক্ষতি
বৃদ্ধি বোধ করে না, তজ্জন্য দণ্ডের লাভও
করে না, এবং শাস্তি প্রাপ্তির পর তাহার
কিঞ্চপ দুর্দশা ঘটনার সম্ভাবনা আছে তাহা
বিবেচনা ও তদর্থে খেদ প্রকাশও করে না।
সে যদি তাহারদের সমক্ষে অনাহারে বা
অঙ্গ-পীড়ায় পীড়িত হইয়া প্রাণত্যাগ
করে, তথাপি তদ্ব্যক্টে তাহারদের কিছু
মাত্র হৃৎখানুভব হয় না। যে সকল বৃত্তি প-
রের মঙ্গল-বিধায়িনী ও বাদুয়া-কার্য-কারণ
ও কলাকল বিচার করা যায়, তাহা না থাকি-
তেই তাহারা একপ্রকার ব্যবহার করিয়া
থাকে। তাহারদের সমুদায় প্রবৃত্তিই স্বার্থ-
সাধন-পরায়ণ, অতএব, তাহারা অন্যকে বধ
করিয়াও স্বার্থ লাভ করিতে পারিলে তাহাতে
কুণ্ঠিত হয় না।

কিন্তু ইতর জন্তুদিগের পরস্পর এইরূপ শাস্তি প্রদান যে ব্যায়ানুগত ও উপকারজনক, তাহা পূর্বেই সংগ্রহ করা গিয়াছে। এক্ষণে, মনুষ্যদিগের দণ্ড বিধানের বিষয় বিবেচনা করা কর্তব্য।

ইতর জন্তুদিগের ন্যায় মনুষ্যেরও অনেক কানেক নিরুচ্চ প্রবৃত্তি আছে, এবং তাহারদের ন্যায় তিনিও সেই সকল দুর্দান্ত প্রবৃত্তির অনুমতি হইয়া তদনুযায়ি শাস্তি বিধান করিয়া থাকেন। সুসভ্য জাতীয় রাজা ও রাজপুরুষেরাও চিরকাল এই সমস্ত নিরুচ্চ প্রবৃত্তির আদেশানুযায়ি দণ্ড বিধান করিয়া আসিতেছেন। কেবল সংপ্রতি কোম কোম স্থানে তাহার ক্রিষ্টিও অন্যথা ভাব হইতেছে। যদি কোম সন্ধিচৌর কাহারও গৃহ প্রবেশ করিয়া অর্থাগহরণ করে, তবে রাজকর্মচারিরা তাহাকে ধৃত করিবার নিমিত্ত সচেতিত হন। তাঁহারা তদর্থে সাক্ষি আহ্বান করিয়া সাক্ষ্য গ্রহণ করেন, এবং তদ্বারা যে ব্যক্তি চোর স্থির হয়, তাহাকে কারারুদ্ধ, নির্বাসিত বা আহত করেন। এক্ষণে বিবেচনা করিয়া দেখিলে বোধ হইবে, এধকার মনুষ্য-

কৃত দণ্ডে ও ইতর জন্তু-কৃত দণ্ডে কিছু মাত্র
 বিশেষ নাই। বিচারকর্তাদিগের এই সমু-
 দায় বিচার-কার্য্যকে আপাততঃ কোন না
 কোন ধর্ম্মপ্রবৃত্তির কার্য্য বলিয়া জ্ঞান হইতে
 পারে, কিন্তু বাস্তবিক তাহা নহে। অভি-
 যোক্তার গৃহে চুরি গিয়াছে কি না, এবং তিনি
 তাহাকে চোর বলিয়া অপবাদ দেন, সেই
 ব্যক্তি যথার্থ চোর কি না, এই ছোট বিষয়ের
 তত্ত্বানুসন্ধান মাত্র বিচারকের সমস্ত বিচার-
 ক্রিয়ার উদ্দেশ্য। ইহা কোন ধর্ম্মপ্রবৃত্তির
 কার্য্য নহে, কেবল বুদ্ধির কার্য্য। এ ছুই বি-
 বরে কুকুরাদির জন্ম হইবার সম্ভাবনা নাই,
 কারণ তাহারা স্বচক্ষে আততায়িকে আহিতা-
 চার করিতে না দেখিলে শাস্তি প্রদান করে
 না। যদি আততায়ী জন্তু দ্বি-প্রতিজ্ঞ, নি-
 র্দয় ও অপরায়ণ্য থাকিয়া অত্যন্ত উপদ্রব
 করিতে থাকে, তবে কুকুরাদি কখন কখন তা-
 হাকে নষ্ট বা নষ্টপ্রায় করে। মনুষ্যও তে-
 মন স্থলে উদ্ভক্ষন বা মুণ্ডচ্ছেদ করেন। আত-
 তারির একপ কুকর্মে প্রবৃত্ত হইবার কারণ
 কি, এবং তাহাকে শাস্তি দেওয়াতেই বা কি
 উপকার দর্শে, ইতর জন্তুরা এ ছুই বিষয়

অনুসন্ধান করে না। মনুষ্যও সেই দৃষ্টান্তের অনুগামী হইয়া চলেন। তিনিও কুকর্গির কুপ্রবৃত্তির কারণ অন্বেষণ করেন না, এবং তাহার শাস্তি প্রাপ্তির পর কিরূপ গতি ও প্রবৃত্তি হইবে, তাহাও বিবেচনা করেন না। কুকুরের সমুদায়ই নিকৃষ্টপ্রবৃত্তি, অন্য কোন প্রোষ্ট প্রবৃত্তি নাই, এই হেতু সে একরূপ কার্য করে। মনুষ্যেও সেই সকল নিকৃষ্ট প্রবৃত্তি আছে, অতএব তিনিও তাহাদের বশবর্তী হইয়া কুকুরের ব্যবহার করেন। আর তাহার বুদ্ধিবৃত্তি ও ধর্মপ্রবৃত্তি আছে বটে, কিন্তু অদ্যাপি তিনি দণ্ড বিধান বিষয়ে তাহার-দিগকে যথা নিয়মে নিয়ন্ত্রণ করিতে পারেন নাই।

মনুষ্য-সমাজে মার্জিত বুদ্ধি ও ধর্মপ্রবৃত্তির উপদেশানুযায়ি দণ্ড বিধানের রীতি প্রচলিত হইলে সংসারের যত মঙ্গল সম্ভাবনা, নিকৃষ্ট প্রবৃত্তির আদেশানুযায়ি দণ্ড দ্বারা যদিও তত না হউক, কিন্তু কিছু উপকার দর্শে, তাহার সন্দেহ নাই। যত কাল লোকে নিকৃষ্টপ্রবৃত্তির বশীভূত থাকে, তত কাল তাহাদের ঐ সমুদায় চূর্জয় প্রবৃত্তির আতি-

শয্যা নিবারণার্থ কোন প্রকার শাস্তি প্রদান করা কর্তব্য। নিরুচ্চ প্রবৃত্তির আতিশয্য নিবারণ না হইলে জন-সমাজ উচ্ছিন্ন হইয়া যায়, এবং তাহাতে দোষি ব্যক্তিদিগেরও দণ্ড-জন্ম ঘটনা অপেক্ষা অধিক যাতনা উৎপন্ন হয়। অতএব, এক্ষণে যে প্রকার দণ্ড বিধানের রীতি প্রচলিত আছে, তাহা দণ্ডিত ব্যক্তিদিগেও কিঞ্চিৎ উপকার-জনক। কিন্তু প্রাণদণ্ডে তাহার কোন উপকার নাই।

পরদেশের ইতর জন্তুদিগকে কেবল নিরুচ্চ প্রবৃত্তি প্রদান করিয়া তাহারদের প্রকৃতি ও বাহ্য বস্তুর স্বভাব পরস্পর উপযোগি করিয়া রাখিয়াছেন। নিরুচ্চ প্রবৃত্তির বিধানানুযায়ী দণ্ড তাহারদের পক্ষে বার্থ উপকারী। অনুমিতি প্রভৃতি প্রদান প্রদান দুর্জিবুতি না থাকিতে, তাহার অনুযায়ের ন্যায় প্রকৃতি কোশল ও গুরুতর মঙ্গল পূর্বক দণ্ড-বদ্ধ হইয়া কাহারও অনিষ্ট চেষ্টার প্রবৃত্ত হয় না, এবং আপনার দোষ প্রকাশের সম্ভাবনা অসম্ভাবনা বিবেচনা পূর্বক তাহা গোপন করিতেও চেষ্টা করে না। অত্যাচারি আততায়িদিগের নিরুচ্চ প্রবৃত্তির সশ্রম উদ্দেশ্যে যত দূর অনিষ্ট

ঘটনা হইতে পারে, তাহাই তাহার করিয়া থাকে; পরে অত্যাচারিত জন্তুদিগের কণিক ক্রোধ দ্বারা তাহার দমন হয়।

কিন্তু মনুষ্যের বিষয়ে সেরূপ নহে; জগৎ-লীলার সমুদয় বাহ্য বিষয়কে তাহার বুদ্ধিবৃত্তি ও ধর্মপ্রবৃত্তির প্রাধান্যের উপযোগি করিয়া দিয়াছেন। অতএব, নিকৃষ্টপ্রবৃত্তির আদেশ-মানুষ্যের দণ্ড বিধান তাহার পক্ষে তাদৃশ ফলদায়ক নহে। মনুষ্য আপন দোষ গোপনার্থে ও অসিদ্ধ করণার্থে বুদ্ধিবৃত্তি নিয়োজন করে, অতএব তাহার ওৎসাহ আশা থাকে, যে শাস্তি প্রাপ্ত না হইলেও না হইতে পারি। আর তাহার নিকৃষ্ট প্রবৃত্তির স্বাভাবিক প্রবলতাই যদি তাহার কুপ্রবৃত্তির বথার্থ কারণ হয়, তবে কেবল শাস্তি দ্বারা কোন ক্রমেই তাহার দমন হইতে পারে না; কারণ যে স্থলে যে কারণে কুপ্রবৃত্তি হয়, তাহা শাস্তি প্রাপ্তির পূর্বেও যেমন, পরেও তেমনি থাকে। কারণ থাকিলেই কার্যের উৎপত্তি হয়। অতএব, লোকে পুনঃ পুনঃ দণ্ড প্রাপ্ত হইলেও পুনর্বার দুষ্কর্মের রত হয়। এই ছেড় মকল দেশের পুরাবৃত্তই পাপ-কলকে কলঙ্কিত হইয়া

রহিয়াছে এবং ভূমণ্ডলে কুকর্ষ-শ্রোত চির-কাল সমান দহিতেছে। তিন সহস্র বৎসর পূর্বকার মনুষ্যেরা যেকপ পাপাসক্ত ছিল, এক্ষণকার লোকেরাও সেইরূপ রহিয়াছে। অতএব, চিরকাল যেকপ রীতিক্রমে কুকর্ষের দণ্ড বিধান হইয়া আসিতেছে, তাহা যখন নিত্যমু নিষ্ফল হইল, তখন উপায়ান্তর চেষ্টা করা সর্বতোভাবে কর্তব্য।

বুদ্ধিবৃত্তি ও ধর্মপ্রবৃত্তির আধান্যানুযায়ি দণ্ড বিধান করাই মনুষ্যের কর্তব্য, এবং কেবল ভদ্রদ্বারাই মানব বর্গের পাপ বিমোচন ও ধর্মবর্জন হওয়া সম্ভব। কারণ পরমেশ্বর আমাদের পুর্বেোক্ত বৃত্তি সমুদায়কে সর্বা-পেক্ষা প্রধান করিয়াছেন এবং সমস্ত বাহ্য বস্তুকে তাহার উপযোগি করিয়া সৃষ্টি করিয়াছেন।

কুক্কুর আততায়িকে বে প্রহারাদি করিতে যায়, কেবল ক্রোধমাত্র তাহার কারণ। আততায়ির উপদ্রবে তাহার অর্জুনস্পৃহাদি কোন কোন নিকৃষ্ট প্রবৃত্তির কোহোৎপত্তি হয়, এবং জিয়াংসা ও প্রতিবিধিংসা প্রবৃত্তি তৎক্ষণাৎ উত্তেজিত হইয়া উপদ্রবকারিকে

শাস্তি প্রদান করিতে প্রবৃত্ত হয়। মনুষ্যের
ক্রোধের কার্যও সেই প্রকার। কাহারও
অর্থ অপহৃত হইলে তাহার অজ্ঞানস্পৃহা বৃদ্ধি
ক্লান্ত হয়। কাহাকেও মর হত্য করিতে
দেখিলে আমারদের উপচিকীর্ষ্য প্রবৃত্তি অ-
ত্যন্ত ক্রিষ্ট হয়। পরে জিহ্বাংমা ও প্রতিবি-
ধিওনা প্রবৃত্তি প্রবল হইয়া চোর ও লুণ্ঠাকা-
রিকে প্রতিকূল প্রদান করিতে ব্যগ্র হয়।
বিবেচনা করিয়া দেখিলে, মনুষ্যের এই দণ্ড-
বিধান বিষয়ক ব্যবহারের সহিত দৃকদৃশের
অধিব্যয়ক কার্যের কিছুমাত্র বিভিন্নতা নাই।
বস্ততা, বিভিন্নতা না থাকিবারই সম্ভাবনা;
কারণ, এখানে উভয়েই নিরুপদ্রব্যের অনু-
বর্ত্তি হইয়া কণ্ট করিবে। কিন্তু একপ দণ্ড বি-
ধান আমারদের প্রদান প্রবৃত্তি সমুদায়ের
সম্মত নহে; তাহারদের আবেশানুসারে ছো-
বিদিগের প্রতি কিঞ্চপ ব্যবহার করা কর্তব্য
তাহার বিবরণ করা যাইতেছে।

চৌর্য্য ও নরহত্যা উপচিকীর্ষ্যর অনুমো-
দিত নহে, কারণ ঐ উভয় কুরুদ্রাই এ প্রবৃত্তির
বিরুদ্ধ। ন্যায়পরতা বৃদ্ধিও ইহাতে দৃক ও
ক্রিষ্ট হয়, কারণ কাহারও ন্যায়্য বিষয়ের উপর

আক্রমণ করা এ প্রবৃত্তির নিত্যত অনভিমত। আর যাহাতে পরমেশ্বরের প্রীতি-ভাজন জীবদ্বিগের দুঃখোৎপত্তি হইয়া তাহার শুভাভিপ্রায়ের অন্যথাচরণ করা হয়, তাহা কোন কমেই ভক্তিবৃত্তির অভিমত হইতে পারে না। কলতঃ, যাবতীয় দুষ্কর্মই সমুদায় ধর্মপ্রবৃত্তির বিরুদ্ধ, এবং তাহার উৎসেদ সাধনা করাই তাহারদের অভিষ্ঠা। দুষ্কর্মকারির স্বীয় দুষ্প্রবৃত্তি দমন করিবার ক্ষমতা থাকুক বা না থাকুক, তাহাতে এই বথার্থ ভক্তের কিছু মাত্র অন্যথা হয় না। উন্নত ব্যক্তিকে মরহত্যা করিতে দেখিলেও দয়াবানের যাতনা বোধ হয়, এবং তাহা নিবারণ করিতে একান্ত অভিলাষ জন্মে। চৌর্য্য-ক্রিয়া জড় ব্যক্তির দ্বারা কৃত হইলেও তাহা ন্যায়পরতার অভিমত হইতে পারে না। অতি সামান্য ব্যক্তিকেও অগ্রছা ও অবজ্ঞা করা ভক্তিবৃত্তির সম্মত নহে। কর্তব্যাকর্তব্য বিবরে অজ্ঞান ও নিকৃষ্টপ্রবৃত্তি সংঘর্ষে অসমর্থতা বশতঃ দুষ্কর্ম করিলেও যে তাহাতে ধর্মপ্রবৃত্তি সমুদায় বৃণা প্রকাশ করে, তাহার কারণ আছে। প্রথমতঃ, পরমেশ্বর ধর্মপ্রবৃত্তি সমুদায়ের এই

প্রকার স্বভাব করিয়া দিয়াছেন, যে যে কোন কারণে অনিষ্ট ঘটনা হউক না কেন, তাহা তাহারদিগের অন্তিমত ও বিরুদ্ধ স্বভাব-জ্ঞাত। দ্বিতীয়তঃ, আততায়ী ব্যক্তি অবশ-চিন্তা বলিয়া হত বা আহত ব্যক্তির যে ক্রেশের ভ্রাস হয় এমত নহে; বুদ্ধিমান ও উন্নত উভয়ের অপ্রাণাতই সমান ক্রেশদায়ক, এবং ধূর্ত চোর ও নির্বোধ জড় উভয়েরই চৌর্য-জিন্সা দ্বারা ধনির সমান ধন-হানি হয়।

অতএব, পূর্বোক্ত সুক্তি সমুদায় দ্বারা স্পষ্ট প্রতীত হইতেছে, যে কুকর্ম মাত্রই ধর্মপ্রবৃত্তি সমুদায়ের অন্তিমত, এবং যাহাতে তাহা সমূলে নিমূল হয়, তাহাই তাহারদের প্রার্থনীর। কোন স্থলে ইহার অন্যথা হইবার সম্ভাবনা নাই।

এই পরম মঙ্গলদায়ক অভিপ্রায় সম্পাদনার্থ সমুচিত উপায় করা কর্তব্য। কিন্তু যে সকল উপায় ধর্মপ্রবৃত্তির সম্মত, আর যাহা নিকৃষ্টপ্রবৃত্তির প্রযোজিত, এ উভয়ে অনেক বিশেষ আছে। লোকে নিকৃষ্টপ্রবৃত্তির বশীভূত হইয়া কুকর্মের দণ্ড বিধান করে, এ প্রযুক্ত কুপ্রবৃত্তির কারণ ও দণ্ড বি-

ধানের কলাকল কিছুই বিবেচনা করে না। তাহারা আততায়িকে ধৃত করে, রুদ্ধ করে, এবং হত বা আহত করে। এই পর্য্যন্ত নিকৃষ্টপ্রবৃত্তির কার্যের সীমাংসা, এই স্থলেই তাহার পর্য্যাপ্তি।

কিন্তু বুদ্ধিবৃত্তি ও ধর্মপ্রবৃত্তির কার্য একপনহে। তাহারা দোষি ব্যক্তিরও কল্যাণ চেষ্টা করে। উপচিকীর্ষা বৃত্তি তাহাকে পাপ-পঙ্ক হইতে উদ্ধার করিয়া ধর্ম-পথে প্রবৃত্ত করিতে ও তদ্বারা সুখামৃত-রসে অভিষিক্ত করিতে উৎসুক হয়। ভক্তিবৃত্তির এই আদেশ, যে তাহাকে অবজ্ঞা না করিয়া সর্বসাধারণ মনুষ্যের সহিত যেকপ ব্যবহার করা কর্তব্য সেই-কপ করাই উচিত। ন্যায়পরতার এই উপদেশ, যে যেকপকার দণ্ড দ্বারা তাহার পাপাসক্তির মূলোন্মূলন ও দুষ্প্রবৃত্তির নিবৃত্তি হয়, তাহাই প্রদান করা কর্তব্য। অতএব, আমরাদের প্রধান প্রধান বৃত্তির যেকপকার উপদেশ, তাহাতে, সর্বপ্রায়ে দুষ্প্রবৃত্তির মূল ও দুষ্কর্মির দুষ্কর্ম নিবারণের উপায়, এই দুই বিষয়ের সবিশেষ বিবরণ করা আবশ্যিক।

আমাদিগের যে সমুদায় মনোবৃত্তি আছে, তাহারই কোন না কোন বৃত্তির অনুচিত নিয়োগ দ্বারা দুষ্কর্মের উৎপত্তি হয়। এ স্থলে জিজ্ঞাস্য হইতে পারে, তাহারদের অনুচিত নিয়োগেরই বা কারণ কি? তাহার ত্রিবিধ কারণ আছে, যথা প্রথমতঃ কোন কোন প্রবৃত্তি স্বভাবতঃ অত্যন্ত প্রবল থাকতে, তাহার আভিশয়া দ্বারা আপনা হইতেই পাপ-কর্মে প্রবৃত্তি হয়; দ্বিতীয়তঃ বাহ্য বিষয় দ্বারা কোন কোন প্রবৃত্তি আভিশয় উত্তেজিত হইলেও দুর্ন্যতি উপস্থিত হয়; তৃতীয়তঃ কোন কৰ্ম কর্তব্য ও কোন কৰ্ম অকর্তব্য তাহা না জানাতেও অনেকানেক কুক্ষম ঘটনা থাকে। ক্রমে ক্রমে এই ত্রিবিধ কারণের বিষয় লিখিত হইতেছে।

প্রথমতঃ।—ব্যক্তি বিশেষের প্রবৃত্তি বিশেষ যে স্বভাবতঃ প্রবল হয়, পিতা মাতার প্রকৃতি-সিদ্ধ গুণ দোষই ইহার একমাত্র কারণ। তাহারদের যে সমুদায় মনোবৃত্তি অত্যন্ত তেজস্বিনী থাকে, সম্ভাব্যেরও সেই সকল বৃত্তি আভিশয় বল প্রকাশ করে। অতএব, ইহা স্বীকার করিতে হয়, যে কোন কোন ব্যক্তি এ

প্রকার বিরুদ্ধ প্রকৃতি প্রাপ্ত হইয়া ভূমিষ্ঠ হয়, যে আপনা হইতে তাহারদের বলবতী নিক্ষেপ প্রবৃত্তিদিগকে সমরণ করিয়া রাখা এক প্রকার অসম্ভব। তাহার। দুষ্কর্ম না করিয়া ক্ষান্ত থাকিতে পারে না। তাহারদের স্বভাব বৃক্ষে পাপ রূপ ফল ফলিত হয়, তাহার সন্দেহ নাই।

দ্বিতীয়তঃ।—অগ্নের অসংস্থান, মুরাপান, কুদৃষ্টান্ত দর্শন, প্রবৃত্তি বিশেষের বিবরণ সংঘটন ইত্যাদি অনেকানেক কারণে কোন কোন প্রবৃত্তির আত্মাত্ম উত্তেজনা হইয়া দুষ্প্রবৃত্তি উপস্থিত হইতে পারে।

তৃতীয়তঃ।—আমাদের মানসিক প্রকৃতি ও বাহ্য বস্তুর সহিত তাহার সম্বন্ধ জ্ঞান না থাকাতোও পৃথিবীতে পাপ-প্রবাহ বৃদ্ধি হইয়াছে। সতীর সহমরণ গমন, গঙ্গা-সাগরে সন্তান বিসর্জন, নরবলি পুদান প্রভৃতি বিস্তর দুষ্কর্ম ইহার দৃষ্টান্ত-স্থল। ভারত-বর্ষীয় ও অন্যান্য দেশীয় ধর্ম শাস্ত্রে এই প্রকার বিবগ ব্যাপার সমুদায়ের বিধি আছে, এবং বহু কালাবধি লোকে তাহা স্বর্গ-সাধন জানিয়া অনুষ্ঠান করিয়া আসিতেছে।

এই ত্রিবিধ কারণ উৎপাদন ও পরিত্যাগ করা পাণি ব্যক্তির স্বেচ্ছাধীন নহে। সে আপনার স্বভাব-সিদ্ধ নিকৃষ্টপ্রবৃত্তির প্রবলতা ও উৎপাদন করে নাই; যে সকল বাহ্য ব্যাপার দ্বারা কোন কোন নিকৃষ্টপ্রবৃত্তি অত্যন্ত উত্তেজিত হইয়া ছুস্প্রবৃত্তি প্রদান করে, সে ব্যক্তি তাহারও কারণ নহে; এবং আপনার অজ্ঞান রূপ রোগেরও উৎপাদক নহে। কিন্তু যদিও সে আপনার ছুস্প্রবৃত্তির কারণ না হউক, তথাপি তাহার ও সংসারের কল্যাণার্থে তাহাকে কুপথ হইতে নিবৃত্ত করা সকলেরই কর্তব্য। আমারদের বুদ্ধি-বৃত্তি ও ধর্মপ্রবৃত্তি সমুদায় তাহার কুপ্রবৃত্তি নিবারণ করিতে আদেশ করিতেছে। অতএব, কি প্রকারে এই পরম প্রার্থনীয় মনোরথ পূর্ণ হইতে পারে, তাহা বিবেচনা করা উচিত। বুদ্ধি অনুমতি করিতেছেন, ছুদ্ধির কারণ নিরাস করিলেই ছুদ্ধিরা নিরাস হইবে। অতএব, কিসে কোন্ কারণের কি প্রকার নিরাস করণ হইতে পারে, তাহা বিবেচনা করা কর্তব্য।

প্রথমতঃ।—কোন কোন প্রবৃত্তির অত্যন্ত প্রবলতা ছুস্প্রবৃত্তির প্রথম কারণ। একাল

পর্যন্ত শারীরিক ও মানসিক যত নিয়ম নিক-
পিত হইয়াছে, তাহাতে এ দোষ সহসা
নিরাকরণ করিবার কোন উপায় প্রাপ্ত হওয়া
যায় নাই। তবে এস্থলে বুদ্ধিবৃত্তির এই উপ-
দেশ, যে দোষি ব্যক্তিকে যে স্থানে যেরূপ নিয়-
মে রাখিলে তাহার প্রবল নিকৃষ্টপ্রবৃত্তি সকল
বর্জিত ও চরিতার্থ হইবার সম্ভাবনানা থাকে,
সেই স্থানে সেইরূপ নিয়মে রক্ষা করিবেক।
যে ব্যক্তি কোন নিকৃষ্টপ্রবৃত্তির বশীভূত হইয়া
একবার কোন কুকর্মে প্রবৃত্ত হইয়াছে, সে
পুনঃ পুনঃ তাহাতে রত হইয়া জনসমাজের
অনিষ্টোৎপত্তি করিতে পারে; অতএব, সং-
সারের কল্যাণার্থে তাহাকে রুদ্ধ করিয়া রাখা
সর্বতোভাবে বিধেয়। তদনন্তর, যাহাতে
তাহার নিকৃষ্টপ্রবৃত্তি সমুদায় ক্রমে ক্রমে
নিশ্লেজ হইয়া আইসে, তাহা কর্তব্য। ইহা
সম্পন্ন করিতে হইলে, যে যে বিষয় দ্বারা নি-
কৃষ্টপ্রবৃত্তি উত্তেজিত হইতে পারে, তৎসমু-
দায়ের সহিত তাহার সংস্রব রাখা উচিত
নহে। কুসংসর্গ, পরিগ্রহ পরিভ্যাগ ও মাদক
সেবন করিলে চুপ্প বৃত্তি উপস্থিত হয়; অ-
তএব, কুকর্ষি ব্যক্তির যাহাতে এই সমস্ত

দোষ পরিবর্তিত হয়, তাহার উপায় করা
 আবশ্যিক। এফংকার কারাগারের যে
 রূপবিশৃঙ্খলা, তাহাতে তাহারদিগকে দি-
 বারাত্রই কুসংসর্গে থাকিতে হয়। যত জু-
 দাস্ত পাপাসক্ত নরাধম পরস্পর একত্র সহ-
 বাস করিয়া পরস্পরের নিকৃষ্টপ্রবৃত্তি এবং
 করিতে থাকে। এফংকার কারাগারের ন্যায়
 পাপিদিগের, পাপ শিক্ষার পাঠশালা আর
 দ্বিতীয় নাই। অতএব, বন্দীদিগকে পরস্পর
 পৃথক্ করিয়া রাখা উচিত, এবং যখন তা-
 হারদিগের একত্রে থাকিবার প্রয়োজন হয়,
 তখন বাহ্যতে তাহারা পরস্পর অসদালাপ,
 অসদভিপ্রায় প্রকাশ ও কুপ্রবৃত্তি প্রদান ক-
 রিতে না পারে, তাহার উপায় করা কর্তব্য।
 আর, তাহারদিগকে কর্ম বিশেষে নিযুক্ত
 রাখা অতি আবশ্যিক। পরিশ্রমের পর জু-
 প্প্রবৃত্তি দমনের ঔষধ আর দ্বিতীয় নাই।
 কিন্তু যে সকল কর্মে প্রধান প্রধান বৃত্তি-
 র চালনা হয়, তাহাই সর্বাপেক্ষা উ-
 ত্তম। তাহাতে, নিকৃষ্ট প্রবৃত্তির তেজো-
 হানি হইয়া উৎকৃষ্ট প্রবৃত্তির বৃদ্ধি হইতে
 থাকে।

দ্বিতীয়তঃ:—বাহ্য বিষয় দ্বারা নিকৃষ্ট প্র-
বৃত্তির উত্তেজনা ছুপ্পুবৃত্তির দ্বিতীয় কারণ।
পূর্বোক্ত প্রথম কারণ প্রশমনার্থে যে যে
ব্যাপার সাধন করা কর্তব্য, তাহাতেই
দ্বিতীয় কারণের নিরাকরণ হইবেক। পূ-
র্বেই উল্লিখিত হইয়াছে, যে সকল বিষয়
দ্বারা নিকৃষ্টপ্রবৃত্তি উত্তেজিত হয়, তাহার
সহিত পাশাপাশি ব্যক্তির সংস্রব রাখা কোন
ক্রমেই বিধেয় নহে।

তৃতীয়তঃ:—অজ্ঞান ছুপ্পুবৃত্তির তৃতীয়
কারণ। যথা নিয়মে সুপ্রণালী ক্রমে শিক্ষা দান
করিলেই ইহার প্রতীকার হইতে পারে। উত্তম
অধ্যাপক নিযুক্ত রাখিয়া কারাগারস্থ ব্যক্তি-
দিগের বুদ্ধিবৃত্তি মার্জিত ও ধর্মপ্রবৃত্তি ব-
র্দ্ধিত করা সর্ব্বতোভাবে কর্তব্য, এবং সক্রিয়
সাধু ব্যক্তির তথায় গমনাগমন পূর্ব্বক
কথা প্রসঙ্গে উপদেশ প্রদান করিয়া তাহার-
দের ধর্মপ্রবৃত্তি সকল উত্তেজিত করিলে বি-
শিষ্টরূপ উপকার দর্শিতে পারে।

যদি এ প্রকার ব্যবহারকে দণ্ড বলা যা-
ইতে পারে, তবে কুর্কর্মদিগকে এইরূপ দণ্ড
প্রদান করাই কর্তব্য। একপ আচরণ আমা-

রদের সমস্ত প্রধান বৃত্তির অভিমত ও পরি-
তৃপ্তিজনক। একপ আচরণ দ্বারা দোষি ব্য-
ক্তির চরিত্র শোধন ও জনসমাজের উপকার
হইয়া উপচিকীর্ষ্য বৃত্তি চরিতার্থ হয়,
দোষির প্রতি যেকণ ব্যবহার করা কর্তব্য
তাহা সম্পন্ন হইয়া ন্যায়পরতা বৃত্তি পরিতৃপ্ত
হয়, তাহার প্রতি অনাদর প্রকাশনা হইয়া
যথোচিত আদর প্রকাশ হওয়াতে, ভক্তি
বৃত্তির তৃপ্তি লাভ হয়, এবং কারাগারের
এইরূপ সুশৃঙ্খলা সম্পন্ন হইলে ন্যায়ের
পাপ-প্রবাহ ক্রমে ক্রমে মলীভূত হইবে,
ইহা বিবেচনা করিয়া বুদ্ধিবৃত্তি চরিতার্থ হয়।

অতএব, দুষ্কর্মিদিগের দুষ্প্রবৃত্তি দমনের
এইরূপ রীতিই ধর্মপ্রবৃত্তির অনুগত, আর
একগে প্রায় সকল দেশে যেকণ দণ্ড বিধা-
নের রীতি প্রচলিত আছে, তাহা কেবল নি-
রুফপ্রবৃত্তির কার্য্য। অথমোক্ত রীতিকে
ধর্মপ্রবৃত্তি-প্রযোজিত এবং পৌষোক্ত রীতিকে
নিরুফপ্রবৃত্তি-প্রযোজিত বলিয়া উল্লেখ করা
গেল। এই উভয়রীতির ফলাফল বিবেচনা
করিয়া দেখিলে, অথমোক্ত রীতিই সর্ব্বাণেক্ষ
শুভদায়ক বলিয়া প্রতীত হইবেক।

কেবল ভয় প্রদর্শন পূর্বক দুষ্কর্ম নিবারণের চেষ্টা করা নিরুপদ্রব-প্রযোজিত রীতির উদ্দেশ্য। কিন্তু লোকে কর্তব্যাকর্তব্য বিষয়ে অজ্ঞান এবং স্বাভাবিক প্রবৃত্তি বিশেষের প্রবলতা বশতঃ দুষ্কর্ম প্রবৃত্ত হয়, অতএব, তাহার নিরাকরণ না হইলে তাহারদের দুষ্কর্মের নিবারণ হওয়া কোন ক্রমে সম্ভাবিত নহে। যে কারণের যে কার্য্য তাহা অবশ্যই ঘটে, কারণ নিরাস না হইলে কার্য্য নিরাস হইতে পারে না।

ধর্ম্মপ্রবৃত্তি-প্রযোজিত রীতির একপ তাৎপর্য্য নহে। কোন ব্যক্তির কোন বিষয়ে কুপ্রবৃত্তি দেখিলেই সেই কুপ্রবৃত্তির সম্পূর্ণ নিরুত্তি চেষ্টা করা ধর্ম্মপ্রবৃত্তি সমুদায়ের উদ্দেশ্য; তাহা না করিয়া তাহারা তুণ্ড থাকিতে পারে না। এক্ষণে, নিরুপদ্রব-প্রযোজিত রীতি অনুসারে রাজপুরুষেরা দোষিকে দণ্ড দিয়া নোচন করিয়া দেন। তাহার তুণ্ডবৃত্তির কারণ সমুদায় পূর্ববৎ অব্যাহত থাকে; সুতরাং সে নিকৃতি পাইয়া পুনর্বার লোকের উপর উপদ্রব আরম্ভ করে। কিন্তু কুকর্ম্মির কুপ্রবৃত্তির কারণ নিরাকরণ করা ধর্ম্ম-

প্রবৃত্তি-প্রযোজিত রীতির উদ্দেশ্য, সে উদ্দেশ্য সিদ্ধ হইলেই তাহার দুষ্কর্ম নিবারণ হয়।

নিকৃষ্টপ্রবৃত্তি-প্রযোজিত রীতি অনুসারে শাস্তি প্রদান করিলে, দোষি ব্যক্তি এবং জন-সমাজস্থ অন্যান্য ব্যক্তির নিকৃষ্টপ্রবৃত্তি সকল সচেতন রাখা হয়। কারণ, তদীয় দণ্ড দণ্ড-দাতার নিকৃষ্টপ্রবৃত্তি দ্বারা প্রবর্তিত হয়, এবং দণ্ডিত ব্যক্তির নিকৃষ্টপ্রবৃত্তি সকল উদ্বেজিত করে। দেখ, প্রহারা দি কার-দণ্ড দণ্ড-দাতার জিহ্বাংসা হইতে উৎপন্ন হইয়া দণ্ডিত ব্যক্তির ভয় ও ক্ষোভাদি উৎপাদন করে। প্রাণ-দণ্ডও দণ্ডকর্তার ঐ জিহ্বাংসা হইতে উৎপন্ন হয়। ফলতঃ, কেবল দণ্ডিত ব্যক্তির নহে, এই সকল দণ্ড দর্শন করিয়া দর্শকদিগেরও জিহ্বাংসা প্রভূতি নিকৃষ্টপ্রবৃত্তি বৃদ্ধিত হইতে থাকে। আর, একপ দণ্ড বিধানের সহিত ধর্মপ্রবৃত্তির কোন সংশ্রব নাই। ইহা দেখিয়া কি দণ্ডদাতা, কি দণ্ডিত দোষী, কি দণ্ড দর্শক কাহারও কোন ধর্মপ্রবৃত্তি চালিত হয় না।

ধর্মপ্রবৃত্তি-প্রযোজিত রীতি অনুসারে দুষ্কর্মের দুষ্কৃত্তি-দমনের চেষ্টা করিতে হই-

নে, কেবল বুদ্ধিরূপ্তি ও ধর্মপ্রবৃত্তি সকল নি-
য়োজিত করিতে হয়। যদিও কোন কোন নিরু-
ক্টপ্রবৃত্তি নিযুক্ত হইতে পারে, কিন্তু তাহারা
ধর্মপ্রবৃত্তি সমুদায়ের কিঙ্কর স্বরূপ থাকিয়া
তাহারদেরই শুভ সঙ্কল্প সম্পন্ন করিতে থাকি-
বে। যাহারা একগু-বিধান সম্পাদন করি-
বে, তাহারদের উপচিকীর্ষা বৃত্তি কি কুকর্মা-
সক্ত ব্যক্তি কি অপর লোক সকলেরই উপকার
উদ্দেশে অভ্যস্ত উত্তেজিত থাকিয়া সর্বভো-
ভাবে চরিতার্থ হইবে। এবম্প্রকার দণ্ড বিধা-
নের সমুদায় ব্যাপারই জন-সমাজের কল্যাণ-
দায়ক ও শ্রীবৃদ্ধি-সম্পাদক।

নিরুক্টপ্রবৃত্তি-প্রযোজিত দণ্ড-বিধান বিষয়ে
যখন যে সকল ব্যক্তি নিযুক্ত থাকে, ও যাহারা
তাহা দর্শন করে, তাহারদের তৎকালোৎপন্ন
সন্তানেরা শারীরিক নিয়মানুসারে প্রবল নি-
রুক্টপ্রবৃত্তি প্রাপ্ত হয়। ইহাতে, এক জনের
প্রাণ-দণ্ড বহু জনের প্রাণ-দণ্ডের হেতু হইতে
পারে।

ধর্মপ্রবৃত্তি-প্রযোজিত রীতির ফল ইহার
সম্পূর্ণ বিপরীত। যাহারা তৎ সম্পাদনে নি-
যুক্ত থাকিবে, তাহারদের সন্তানেরা পিতা

মাতার এবং বুদ্ধিবৃত্তি ও ধর্মপ্রবৃত্তি অধিকার করিয়া জন্ম গ্রহণ করিবে; এবং যাহারা এই সূচারক শুভকর নিয়মানুসারে দণ্ড প্রাপ্ত হইবে, তাহারদেরও উত্তর-কালবার্ত্তি সম্ভাবনা আপন আপন পিতা মাতা অপেক্ষা পুণ্যশীল হইবে। তাহারদের পাপ-পক্ষে পাত্ত হইবার তাদৃশ সম্ভাবনা থাকিবে না।

একণে নিকটপ্রবৃত্তি-প্রযোজিত রীতি অনুসারে যেকোন দণ্ড বিধান হইয়া থাকে, তাহাতে, যথার্থ সাক্ষি পাওয়াও দূর। যদি দোষি ব্যক্তির আত্মীয় স্বজনে স্বচক্ষে তাহাকে দ্রুত করিতে দেখে, তথাপি তাহাকে বিচারস্থলে উপস্থিত করিতে ও যথার্থ সাক্ষ্য প্রদান করিতে সম্মত হয় না; কারণ কাহাকেও দণ্ড-দাতার কোপানলে নিষ্কণ করা উপচীকীর্ষাদি প্রধান প্রবৃত্তির অভিমত নহে। কিন্তু ধর্মপ্রবৃত্তি-প্রযোজিত রীতি প্রচলিত হইলে, পরমাত্মীয় ব্যক্তিও তাহাকে বিচারকের হস্তে সমর্পণ করিতে আশঙ্কা করিবেক না। তখন কারাগার বিদ্যাগার স্বরূপ হইবে। বিদ্যাগারে পুত্র ভাতা প্রভৃতিকে প্রেরণ করিতে কাহার অমত? যাহাতে আত্মীয় ব্যক্তির

দুঃস্বপ্নবৃত্তি দমন, জ্ঞান বর্দ্ধন ও চরিত্র শোধন হয়, তাহা কাহার অনভিপ্রের ?

এক্ষণে যে প্রাণ-দণ্ডের নিয়ম প্রচলিত আছে, তাহা অত্যন্ত অপকারী ও হুণাকর। তাহা কোন ক্রমেই আমাদের উপচিকীর্ষাদি ধর্মপ্রবৃত্তির অভিমত হইতে পারে না, সুতরাং পরম কারুণিক পরমেশ্বরের অভিপ্রের নহে। এই প্রাণ-দণ্ড সম্পাদনার্থ যে প্রাণ-ঘাতক নিযুক্ত থাকে, তাহার পদও অতি হুণাকর। ধর্মপ্রবৃত্তি প্রযোজিত রীতানুসারে দোষি ব্যক্তিকে যাহারদের হস্তে সমর্পণ করিতে হইবে, তাঁহারা শিক্ষক, চিকিৎসক ও ধর্মোপদেশক। তাঁহারা পূর্বোক্ত প্রাণ-ঘাতকদিগের ন্যায় অনাদরীয় হওয়া দূরে থাকুক, তাঁহাদের কার্য আমাদের ধর্মপ্রবৃত্তির যেকপ ক্ষুণ্ণকারক, তাহাতে তাঁহারদিগকে পরম পুজনীয় প্রধান অনুধ্য বলিয়া স্বীকার করিতে হইবে।

অতএব, ইহা অবধারিত হইল, যে এক্ষণে ডুমওলে যেকপ দণ্ড বিধানের রীতি প্রচলিত আছে, তাহা অশেষ-দোষাকর, আর ধর্মপ্রবৃত্তি-প্রযোজিত রীতি নিরবচ্ছিন্ন-কল্যাণকর।

এক্ষণে রাজপুরুষেরা যেমন নিকৃষ্টপ্রভৃ-
ত্তির অনুবর্তি হইয়া দোষের দণ্ড বিধান ক-
রেন, জন-সমাজস্থ অপরাধ সাধারণ লোকেও
পরস্পর তদনুরূপ ব্যবহার করিয়া থাকে।

ভূমণ্ডলে নিম্পাপ মনুষ্য প্রাপ্ত হওয়া যায়
না; তাহার গুরুতর চুক্কে অসিদ্ধ নহেন,
তাঁহার গাও নচরাচর অস্প অস্প দোষ করিয়া
থাকেন। তাহার কারণানুসন্ধান করিলে
প্রতীতি হইবে, আমারদের যে সমস্ত নিকৃষ্ট-
প্রভৃতির অত্যন্ত প্রবলতা দ্বারা গুরু গোপের
উৎপত্তি হয়, তাহারই অস্প অস্প উত্তেজনা
দ্বারা লঘুপাপে প্রবৃত্তি হয়। আমরা যে
আত্মাদর ও জিঘাংসাদির বশবর্তি হইয়া লো-
কের কুৎসা করি, তাহারই অত্যন্ত প্রবলতা
দ্বারা প্রহার ও প্রাণ সংহার করিতে প্রবৃত্তি
হয়। আমরা যে জুগোপিয়া ও অর্জুনস্পৃহার
অনুবর্তি হইয়া কোন পণ্য বস্তুর গুণ আরো-
পিত করিয়া বর্ণনা করি, অথবা তাহার উচিত
মূল্য না বলিয়া অধিক করিয়া বলি, তাহারই
অত্যন্ত অবৈধ উত্তেজনা দ্বারা চৌর্য্য-ক্রিয়াতে
প্রবৃত্তি হয়। অতএব, আমারদের ধর্ম্ম-বিষ-
য়ক নিয়মের অত্যন্ত অন্যথাচরণও অবশ্যই

কোন না কোন মনোবৃত্তির অবৈধ নিয়োগের ফল। পূর্বেই উল্লেখ করা গিয়াছে, গুরু বা লঘুকোন পাপ আমারদের বুদ্ধিবৃত্তি ও ধর্মপ্রবৃত্তির অস্তিত্ব নহে, কারণ সকল প্রকার কুকর্মই তাহারদের বিরুদ্ধ-ভাবাক্রান্ত। যাহাতে অজ্ঞান-রূত ও মোহ-প্রদর্শিত সকল দুর্কর্ম সমূলে নির্মূল হয়, তাহাই তাহারদের অভিপ্রেত।

একগণকার লোকের যেএকার রীতি নীতি, তাহাতে সকলেই কেবল নিরুচ্ছিন্ন প্রবৃত্তির বশবর্তি হইয়া দোষিদিগকে শাস্তি প্রদান করিতে প্রবৃত্ত হয়। কেহ অপকার করিলে তাহার প্রত্যপকার করা, কেহ হিংসা করিলে তাহার প্রতিহিংসা করা, কেহ পাপ করিলে প্রতিপাপ করা, একগণকার লোকের রীতি। যদি উক্ত লোকের মধ্যে কেহ কাহারও অপমান করে, তবে অপমানিত ব্যক্তি প্রতিপক্ষের মনের অবস্থা ও তাহার কুপ্রবৃত্তির অন্যান্য কারণ অনুসন্ধান না করিয়া কোপান্বিত হইয়া তাহাকে কটুভক্তি বা প্রহার করিতে প্রবৃত্ত হইবেন। লোকে সচরাচর এই প্রকার ব্যবহার করিয়া থাকে, কিন্তু একপ দণ্ডে

ও পশুদিগের প্রদত্ত দণ্ডে বিশেষ বিভিন্নতা নাই।

একপ দণ্ড বিধানে যে কিছুই উপকার নাই এমনত নহে। যে সকল ব্যক্তি স্বকীয় ধর্মপ্রবৃত্তির দুর্বলতা বশতঃ আপনা হইতে ছুপ্তবৃত্তি পরিত্যাগ না করে, তাহারা তথাপি লোক ভয়ে ও শাস্তি ভয়ে অধর্মানুষ্ঠানে কতক দ্বন্দ্ব থাকিতে পারে। কিন্তু এতাবস্থাতেই একপ দণ্ড বিধানের কলাকল পর্যাপ্ত হয়, ইহার দ্বারা অত্যাচারি ব্যক্তির ছুপ্তবৃত্তির নিবৃত্তি না হইয়া তরাদি প্রবল হয়, এবং অত্যাচারিত ব্যক্তির জিহাংসাদি নিরুফ্ট প্রবৃত্তি চরিতার্থ হইয়া ক্রমশঃ বর্ধিত হইতে থাকে। সুতরাং ইহাতে লোক-সমাজে নিরুফ্টপ্রবৃত্তির প্রবলতা বৃদ্ধি পাইয়া যায়। ধর্মপ্রবৃত্তির বিলক্ষণ উন্নতি ও সমধিক চালনা ব্যতিরেকে সদনুষ্ঠানে ও অসৎ পরিত্যাগে অভ্যাস পায় না।

ধর্মপ্রবৃত্তি-প্রযোজিত নিয়মানুযায়ি দণ্ড বিধানের কল আর এক প্রকার। আমারদিগের বুদ্ধিবৃত্তি দোষের দোষোৎপত্তির কারণ অনুসন্ধান করে, এবং সমুদায় ধর্মপ্রবৃত্তি

দোষিকে অবজ্ঞা ও অনাদর না করিয়া তাহার দোষাকুর সম্মুখে উন্মূলন করিতে চাহে। কেই কাহারও অপমান করিলে বুদ্ধিবৃত্তি দ্বারা অবধারিত হয়, যে ঐ ছুরাচারের জিঘাংসা ও আত্মাদর এই ছই বৃত্তির অতিমাত্র প্রবলতা, অথবা ঐ অপমানিত ব্যক্তির কোন প্রকার অন্যায়াচরণ দ্বারা তাহার ক্রোধোদয় হওয়া, কিম্বা তাহার ভ্রম ক্রমে অপমানিত ব্যক্তিকে আপনার অনিষ্টকারি জ্ঞান করা, এই তিন কারণের কোন কারণে তাহার এই ন্যায়-বিরুদ্ধ ব্যবহারে প্রবৃত্তি হইয়াছে তাহার সংশয় নাই। যদি কেহ কাহাকেও প্রবঞ্চনা করে, তবে বুদ্ধি দ্বারা নিশ্চিত হয় যে তাহার ন্যায়পরতা অগেফ। জুগোপিয়া ও অর্জবস্পৃহা বৃত্তির প্রবলতা, অথবা সম্মুখোপস্থিত বিষয়ের লোভ সম্বন্ধে অসমর্থতা, কিম্বা প্রবঞ্চনা দ্বারা পরিণামে প্রবঞ্চকের নিজেরও অনিষ্ট হয় ইহা জ্ঞাত না থাকা, এই তিন কারণের কোন না কোন কারণে তাহার প্রতারণায় প্রবৃত্তি হইয়াছে তাহার সংশয় নাই। সমুদায় অবৈধ কর্মেরই এই প্রকার কারণ নির্দেশ করা যাইতে পারে।

এই সমুদায় কারণের নিরাকরণ করা বুদ্ধি-
বৃত্তি ও ধর্মপ্রবৃত্তির উদ্দেশ্য, কেন না কারণের
হ্রাস হইলেই তাহার অধর্ম রূপ কার্যের
হ্রাস হয়। যে একাদে এই শুভ সংকল্প
সম্পন্ন হইতে পারে, তাহাও উপদেশ দেওয়া
ঐ সমুদায় প্রধান বৃত্তির কার্য। যদি কোন
ব্যক্তির এ প্রকার উগ্র প্রকৃতি থাকে, যে সে
সকল লোকেরই সহিত বিবাদ বিসম্বাদ ও
সকলেরই অনিষ্ট করিতে প্রবৃত্ত হয়, তবে
যে সকল বিষয় দ্বারা তাহার নিকৃষ্টপ্রবৃত্তি
উত্তেজিত হইতে পারে, সে সকল বিষয়ের
সহিত তাহার কোন সংগ্রহ না রাখিয়া কেবল
বুদ্ধিমান শাস্ত্র-স্বভাব ব্যক্তিদিগের দ্বারা তা-
হাকে বেষ্টিত রাখা কর্তব্য। যদি সে
লোভী হয়, তবে বাহাতে তাহার সমস্ত
লোভ-জনক সামগ্রী উপস্থিত না হয়, তাহার
উপায় করা কর্তব্য। যদি সে অজ্ঞানবৃত্ত
ও ভ্রমাজ্ঞ হয়, তবে উপদেশ দ্বারা তাহার
অজ্ঞান ভিমির দূর করা কর্তব্য। কিন্তু কোন
কোন ব্যক্তির নিকৃষ্টপ্রবৃত্তি একপ প্রবল এবং
ধর্মপ্রবৃত্তি একপ দুর্বল, যে তাহার লোকা-
নয়ে বাস করিলে কুকর্ম না করিয়া থাকিতে

পারে না, এবং সহস্র প্রকারে বিবিধ যত্নে উপদিষ্ট হইলেও অধর্ম-পথ পরিত্যাগ করিতে সমর্থ হয় না। এ প্রকার ব্যক্তির কেবল লোকের উপর উপদ্রব করিয়া জীবন ক্ষেপণ করে। অতএব, তাহারদিগকে যাব-জীবন রুদ্ধ রাখিয়া কর্ম বিশেষে নিযুক্ত রাখা ও অন্ন বস্ত্রাদি প্রদান করা কর্তব্য। নিতান্ত নির্যোধ যে জড় ও উন্মাদপ্রস্ত লোক, তাহারদিগকে প্রতিপালন করা যদি উচিত হয়, তবে তাহারদিগকে ধর্মপ্রবৃত্তি বিষয়ে এক প্রকার জড় বলা যাইতে পারে, তাহারদিগকে প্রতিপালন করাও কেন না কর্তব্য হয়? খঞ্জ ও অন্ধদিগকে গ্রাসাচ্ছাদন দেওয়া যদি শ্রেয়ঃ হয়, তবে তাহার ধর্ম জ্ঞান বিষয়ে অন্ধ, তাহারদিগকে পোষণ করাও অবশ্য কর্তব্য বলিয়া স্বীকার করিতে হইবে। কাহাকেও এ প্রকার দুর্দান্ত পাগাসক্ত জানিলে, কেহ তাহাকে আপনার ভৃত্য স্বরূপে নিযুক্ত করিতে স্বীকৃত হইবেন না। আপনার কর্মে যে ব্যক্তিকে বিশ্বাস করিতে না পারা যায়, তাহাকে রুদ্ধ না করিয়া জন-সমাজে যথেষ্টাচার করিতে দেওয়া কিরূপে উচিত হইতে

পারে? অতএব যে সকল দোষের ছাপু বৃত্তি
নিমোচন হইরা চরিত্র শোধন হইবার সম্ভা-
বনা আছে, তাহারদিগকে পূর্বোক্ত প্রকারে
সৎপ্রবৃত্তি প্রদান করা কর্তব্য, আর যাহার-
দের সেরূপ সম্ভাবনা নাই, তাহারদিগকে রুদ্ধ
রাখিয়া ভরণ পোষণ করা ব্যক্তিরকে আর
উপায়ান্তর নাই।

এস্থলে কেহ জিজ্ঞাসা করিতে পারেন, যে
এ ব্রহ্মে পাপ পুণ্যের বিশেষ কি? যদি নিকৃ-
ষ্টপ্রবৃত্তির স্বাভাবিক অবলম্বন, মোড়-জনক
জবোর সম্বিধান, ও অজ্ঞান এই তিন কারণে
মনুষ্যের ভ্রুক্ষেপে প্রবৃত্তি হয়, অথচ তিনি
স্বয়ং এই ত্রিবিধ দোষেরই কারণ না হন, তবে
কি প্রকারে ধর্মাধর্মের বিশেষ হইতে পারে?

এ প্রশ্নের সিদ্ধান্ত করা অতি সুগম। আ-
মাদের মানসিক প্রকৃতি ও মনোবৃত্তি সমুদা-
য়ের গুণাগুণ বিবেচনা করিয়া দেখিলেই, পাপ
পুণ্যের পরস্পর বিভিন্নতা স্পষ্ট রূপে প্রতী-
ত হয়। নরহত্যা করা পাপ, কারণ তাহা উ-
পচিকীর্ষা বৃত্তির বিরুদ্ধ। পর-বন অপহরণ
করা পাপ, কারণ তাহা ন্যায়পরতা বৃত্তির
বিরুদ্ধ। পিতা মাতাকে অবজ্ঞা করা পাপ,

কারণতাহা ভক্তি বৃত্তির বিরুদ্ধ। আমার-
দের ধর্মপুত্রবৃত্তি সমুদায় যে সর্ব-প্রধান,
এবং নিকৃষ্টপুত্রবৃত্তি সমুদায়কে যথা নিয়-
মে নিয়োজন ও শাসন করা যে তাহা-
রদের কর্তব্য, এ জ্ঞানও আমারদের স্বভা-
ব-সিদ্ধ। আর যাহাতে এই সকল প্রধান
বৃত্তির প্রাধান্য থাকে ও তাহারদেরই অনু-
মতি বলবতী হয়, জগদীশ্বর সমস্ত বাহ্য বস্তুর
তত্ত্বপযোগি শৃঙ্খলা করিয়া দিয়াছেন। যদি
উপচিকীর্ষা ও ন্যায়পরতা এই উভয় বৃত্তি নর-
হত্যা ও চৌর্য্য-ক্রিয়াকে অতি দুষ্ট বলিয়া প-
রিহিত্যাগ করিতে আদেশ করে, এবং আর
আর সমুদায় সনোহৃতি ও সমস্ত বাহ্য বস্তু
বিষয়ক নিয়মের সহিত সেই আদেশের এক
থাকে, তবে ইহা অবশ্য স্বীকার করিতে হই-
বে, যে ধর্ম-বিষয়ক নিয়ম আমারদের স্বভা-
ব-সিদ্ধ ও অতি প্রামাণিক।

কেহ কেহ একপ আপত্তি উপস্থাপন করি-
তে পারে, যে যদি ধর্মাদর্শ জ্ঞান আমারদের
স্বভাব-সিদ্ধ হয়, তবে এ বিষয়ে সকল দেশীয়
লোকেরই এক প্রকার অভিপ্রায় থাকা সম্ভব ;
কিন্তু তাহার বিপরীত দেখ, তাতার দেশীয়

জ্যোকে বিদেশীয়দিগের ধন অপহরণ করা
স্বাধা বলিয়া জানে।

এ সংশয় বিমোচন করাও কঠিন নহে।
আমাদের যেমন উপাটকীর্ষা, জক্তি ও ন্যা-
য়পরতা আছে, সেইরূপ, বুদ্ধিবৃত্তি প্রভৃতি অ-
ন্যান্য অনেক মনোবৃত্তি আছে। বুদ্ধিবৃত্তি
যদি উত্তম রূপে মার্জিত না হয়, অমার্জিত ও
ভ্রমাজ্জল থাকে, তবে ভদ্রারা পূর্বোক্ত প্রধা-
ন বৃত্তি ও নিকৃষ্ট প্রবৃত্তি সকলও কুপথে সঞ্চারিত
হইতে পারে। তাহার দেশীয়দিগের
ভিন্ন জাতীয় লোককে আপনাদের শত্রু ব-
লিয়া বিশ্বাস আছে, এই হেতু তাহারা ভিন্ন
দেশীয়দিগের প্রাণ বধ ও অর্থাপহরণ করা
স্বাধার বিষয় বলিয়া জানে। তাহারা ভিন্ন
জাতীয় ব্যক্তি মাত্রকে চোর ও দস্যুবৎ জ্ঞান
করে, এবং তদনুসারে, তাহার অপকার করি-
তে প্রবৃত্ত হয়। যদি তাহারদের বুদ্ধিবৃত্তি
মার্জিত হইয়া এ ভ্রম দূরীকৃত হইত, তবে
আর চৌর্য্য ও দস্যু-বৃত্তিকে বিহিত কার্য্য
বোধ হইত না। যদি তাহারদের এ প্রকার বি-
শ্বাস জন্মিয়া দিতে পারা যায়, যে কোন জাতীয়
লোক তাহারদের বৈরী নহে, সকল লো-

কই তাহারদিগকে ভাল বানে ও মিত্র জ্ঞান করিয়া তাহারদের হিতাকাঙ্ক্ষা করে, এবং গারে যদি জিজ্ঞাসা করা যায়, যে ভিন্ন জাতি মাত্রেই খন প্রাণ হরণ করা কর্তব্য কি না, তবে তাহারা কখনই এক্ষণ অবিহিত কার্যকে বিহিত বলিয়া স্বীকার করিবেক না। এদেশীয় লোকেরাও যে জীবিত দেহে সত্যী প্রীত চিত্ত-রোহণ, গঙ্গাসাগরে সম্মান বিসর্জন, দেব সমিধানে নরবলি পুণ্য ইত্যাদি দারুণ দুষ্কর্ম সকল বৈধ কর্ম জ্ঞানে অনুষ্ঠান করিয়া আসিয়াছেন, তাহারদের বুদ্ধির দোষই ইহার একমাত্র কারণ। তাহারা এই সকল ক্রিয়াকে স্বর্গ-সাধন ও শুভ-সাধন বলিয়া শিক্ষা প্রাপ্ত হইয়াছেন, সুতরাং শিক্ষকদিগের দোষে শিক্ষিতেরা দূষিত হইয়া আসিয়াছেন। নর-হত্যা ও আগ্ন-হত্যা যে মহাপাপ ইহা তাহারা বিশিষ্ট রূপে অবগত-আছেন, এক্ষণে যদি জ্ঞান-জ্যোতিঃ প্রাপ্ত হইয়া নিশ্চয় জানিতে পারেন, যে এ সকল কার্য্য কোন ক্রমেই স্বর্গ-সাধন নহে, শোক, দুঃখ, গর-পীড়া প্রভৃতি ইহার ফল, যে শাস্ত্রে এই সমস্ত দুষ্কর্মের বিধি আছে তাহা বুদ্ধিসিদ্ধ নহে, তবে

আর তাঁহারা কখনই এই সমুদায় নিষ্ঠুর
কৰ্ম্মকে বিহিত বোধ করেন না। কেবল অনু-
মানের উপর নির্ভর করিয়া এ অভিপ্রায় প্র-
কাশ করা যাইতেছে না। এ কথা মথার্থ
কি না তাহা প্রত্যক্ষ দেখা যাইতেছে। হিন্দু-
দিগের মধ্যে তাঁহারা বিদ্যানুশীলন দ্বারা স্বীয়
বুদ্ধিকে আর্জিত করিয়াছেন, তাঁহারা আর
এই সমুদায় ঘৃণিত কৰ্ম্মকে স্বর্ণ-সাধন জ্ঞান
করেন না ; বরং এ সকল কুপুৰ্ব্বকে নিতান্ত
অসত্যতার চিহ্ন বোধ করেন। অতএব, আ-
মাদের ধর্ম প্রবৃত্তির স্বভাব ও ধর্ম বিবরণ
নিয়ম সর্বত্রই সমান, কেবল তাহারা আন্তি-
বিশিষ্ট বুদ্ধি দ্বারা নিয়োজিত হইলেই অশুভ
ফল উৎপাদন করে। স্বভাব দোষেই হউক,
বা অজ্ঞান প্রযুক্তই হউক, ধর্ম প্রবৃত্তির সু-
ধাময় উপদেশ অবহেলন করিলেই হুখে রূপ
পুষ্টিফল ছোগ করিতে হয়।

প্রাকৃতিক নিয়মানুযায়ি দণ্ড বিধানের
যে রূপ বিবরণ করা গিয়াছে, তাহা মনোযোগ
পূর্ব্বক পাঠ করিলে সকলেরই প্রতীতি জন্মি-
বে, যে নিয়ম লঙ্ঘন করিলে যে ছুঃখ উৎপন্ন
হয়, তাহা পরমেশ্বর আমাদিগের হিতার্থেই

নিয়োজন করিয়াছেন। জাহাঙ্গীর তাঁহার অধার করুণা ও অনবহিত কার্যগুরুতার চিত্র প্রকাশ পাইতেছে। এক বার জ্ঞান নিয়ম লঙ্ঘন করিয়া বেশ প্রাপ্ত হইলে পুনরায় আর সে চুর্কনা না করি, এবং এক জনের দণ্ড দেখিয়া অন্যে শাস্তি ভয়ে ভীত হইয়া সাবধান হয়, এই দুই পরম প্রয়োজন প্রাকৃতিক নিয়মানুযায়ি দণ্ড দ্বারা সাধিত হইতেছে।

অতএব ছদ্মবৃত্তি নিবারণ এবং বুদ্ধিবৃত্তি ও ধর্মপ্রবৃত্তির উন্নতি সাধন এই স্বভাব-নিহিত শাস্তির উদ্দেশ্য। ছদ্মবৃত্তি নিবারণ হইলে স্বেচ্ছা নাম হয়, এবং জ্ঞান বুদ্ধি ও ধর্মোন্নতি হইলে আমল জাত হয়, অতএব, মানুষের আনন্দ বুদ্ধিই ইহার প্রয়োজন বলিয়া স্বীকার করিতে হয়। পুণ্যের সহিত যেমন গন্ধের সংযোগ, ধর্মের সহিত সেই রূপ সুখের সংযুক্ত। যাঁহারা কহিয়া থাকেন, আমল, কীটোক্ত-সহিকুতা, সূক্ষ্ম বিশেষের অবশ্যতা, পর-পাষ্যের শয়ন ইত্যাদি অস্বর্থক ক্লেশ স্বীকার করিলে পুণ্য সংগম হয়, তাঁহারা যৌরতম অন্তঃকরে আবৃত্তি। আমলদিগের কি শারীরিক কি মানসিক কোন প্রকার ক্লেশ

ভোগ করা পরমেশ্বরের অভিপ্রেত নহে, সুতরাং উদ্ধারা কোন ক্রমেই ধর্ম সঞ্চয় হয় না। সকল প্রকার ক্রেশই তাঁহার নিরম লঙ্ঘনের ফল।

ভৌতিক ও শারীরিক নিরম লঙ্ঘনের দুঃখ কপ প্রতিকল যে অনুবোধ হিতার্থে নিয়োজিত হইয়াছে, তাহা পূর্বে স্পষ্ট রূপে প্রদর্শন করা গিয়াছে। ধর্ম-বিষয়ক নিয়ম লঙ্ঘন করিলে যে অনিষ্ট ঘটনা হয়, তাহারও এই তাৎপর্য। পাপাচারের দুঃখের কল প্রাপ্ত হইয়া তাহা হইতে নিবৃত্ত হই, ও অন্যে তদ্বর্কে সাবধান হইয়া তদ্বর্গে বিরত থাকে, এই অভিপ্রায়ে ভগবান্ধর সে দুঃখ নিয়োজন করিয়াছেন। ধর্ম-বিষয়ক নিয়ম লঙ্ঘন করিলে অশেষ প্রকার অনুবোধ কারণ উপস্থিত হয়। অবল ধর্মপ্রবৃত্তি সকল সতেজে চালনা করিলে যে নির্মল মুখ সন্ভোগ করা যায়, তাহাতে বঞ্চিত হইতে হয়; মোকের মিনা ও ঘৃণার পাত হইয়া মহা অসুখে কাল যাপন করিতে হয়; ধর্ম-বিষয়ক নিয়মের বিরুদ্ধাচরণ পূর্বক যে বিষয়ে প্রবৃত্ত হওয়া যায়, তাহাতে সম্পূর্ণ রূপে কৃতকার্য

না হইয়া মৈরাশ ও বিরজি কপ ফল ভোগ করিতে হয়, এবং বুদ্ধিবৃত্তি ও ধর্মব্রত্বিত্তি বিষয়ক নিয়ম লঙ্ঘন করাতে ভৌতিক ও শারীরিক নিয়ম পরিপালনে সম্যক্ সমর্থ না হইয়া পীড়িত ও দ্রিষ্ট হইতে হয়। অধর্মাচরণের এই সকল অশুভ ফল দৃষ্টি করিয়া আমরা তাহা হইতে নিবৃত্ত হইয়া ধর্মানুষ্ঠানে আবৃত্ত হইব, এই অভিপ্রায়ে পরম কারুণিক পরমেশ্বর তাহাতে দুঃখ নিয়োজন করিয়াছেন। অতএব, সংসারে অধর্ম ও দুঃখ নাশ এবং ধর্ম ও সুখ বৃদ্ধি এ প্রকার দণ্ড বিধানের এক মাত্র উদ্দেশ্য, এবং আমারদের সমস্ত মনোবৃত্তি ও বাহ্য বস্তুর শৃঙ্খলাও তাহার সম্যক্ উপযুক্ত।

অষ্টমাধ্যায়

নানা প্রকার প্রাকৃতিক নিয়মের সনবৃত্ত
কার্য

পরমেশ্বর যে নিয়ম প্রতিপালনের যে
প্রকার ফল বিধান করিয়াছেন, এবং যে নি-
য়ম লঙ্ঘনের যে প্রকার শাস্তি নিয়োজন করি-
য়াছেন, কোন ক্রমেই তাহার অন্যথা হইতে
পারে না। কিন্তু সংসারে ছুই, তিন বা অ-
ধিক নিয়ম পরস্পর সহকারি বা বিরুদ্ধকারি
হইয়া এক এক কার্যের উৎপত্তি করে, এ
নিমিত্ত কোন নিয়মের কি ফল ও কোন কার-
ণের কি কার্য তাহা নিকপণ করা সুকঠিন।
তাহা নিকপণ করিতে না পারাতেই, নোকে
নানা প্রকার অমূলক কারণ কল্পনা করিয়া
থাকে।

১৫৪ প্রাকৃতিক নিয়মের সমবেত কার্য

নানা প্রকার প্রাকৃতিক নিয়ম পরস্পর সমবেত হইয়া কার্য করিলে যেকোন কলোৎপত্তি হয়, তাহার কয়েকটা উদাহরণ প্রদর্শন করা যাইতেছে।

কাম, বুদ্ধি, প্রভৃতির বশবর্তি হইয়া নানা প্রকার অহিতাচরণ পূর্বক সমস্ত রাস্তা জাগরণ করিলে শারীরিক অনুস্থতা হয়। এখানে যদিও শারীরিক নিয়ম লঙ্ঘন হওয়াতে রোগ জন্মে তাহার সন্দেহ নাই, কিন্তু প্রথমে ধর্ম-বিধর্মক নিয়ম লঙ্ঘনে প্রবৃত্ত হওয়াতেই আনুষঙ্গিক শারীরিক নিয়ম লঙ্ঘন হইয়া উঠে।

যদি কেহ ব্যায়-কৃৎ হইয়া দুর্গন্ধময় কদর্য স্থানে বাস ও অহিতকারি দ্রব্য ভক্ষণ করে, তবে তাহার শরীর অসুস্থ ও মন নিস্তেজ হয়। এখানে যদিও শারীরিক নিয়ম লঙ্ঘন হওয়ার মুখ্য কারণ, কিন্তু তাহার অর্জুনস্পৃহা বৃদ্ধি অভ্যস্ত প্রবল হওয়াতেই শারীরিক নিয়ম পালনের ব্যাঘাত জন্মে।

সুনিপুণ নাবিকের সুনির্মিত দৃঢ় নৌকা ভাঙা করিলে অধিক ভাঙা লাগিবে, এই ভয়ে যেকোন ব্যক্তি কোন সুনিপুণ নাবিকের

প্রাকৃতিক নিয়মের সমবেত কার্য ১৫৫
 পুরাতন জীর্ণ নৌকার আরোহণ করে, তা-
 হার জন-সম্মত হইয়া প্রাণ বিয়োগ হইবার
 সম্ভাবনা। যদিও ভৌতিক নিয়ম লঙ্ঘন
 হওয়াতে প্রকার দুর্ঘটনা ঘটে, কিন্তু অজ্ঞান-
 স্পৃহা বৃত্তির প্রবলতাকে হইবার মূল কারণ
 বহিরা স্বীকার করিতে হইবে।

পূর্বে, সামাজিক নিয়মের যে প্রকার বিব-
 রণ করা গিয়াছে, তদনুসারে অনেক প্রকার
 হইয়া লগ্না বিশেষে কোন প্রধান ব্যক্তির
 বশবর্তি হইয়া চলিলে বিশেষ উপকার দর্শে।
 কিন্তু যে ব্যক্তি তৎকাল্য সম্বন্ধীয় প্রাকৃতিক নি-
 যম বিষয়ে সুশিক্ষিত এবং তৎ প্রতিপালনে স-
 ম্যাক্রপে সমর্থ, তাহাকেই নিয়ন্ত্রণ করা কর্তব্য।
 এ নিয়মের অন্যথা হইলে উপকার দূরে বা-
 কুল, অপকারেরই সম্ভাবনা। যৎকালে ফরা-
 লিশদিগের অহিত ইংরেজদিগের মুক্ত হয়,
 তখন কতকগুলি ইংলণ্ডদেশীয় রণতরী মুক্ত
 সহস্রাব্দী দ্রব্যাদি লইয়া বাণ্টিক লাগরে
 গমন করিয়াছিল। ইংলণ্ডে প্রতিগমন কালে
 দুই তিন দিন পর্যন্ত অত্যন্ত কুসংঘটিকা হওয়া-
 তে, কখন কোন্ জাহাজ কোন্ স্থান দিয়া
 চলিতেছে, তাহা উত্তমরূপে নিরূপিত হইল

১৫৬ প্রাকৃতিক নিয়মের সমবেত কার্য
 না। ইহাতে শঙ্কিত হইয়া কোন কোন
 গোত্ৰাধ্যক্ষ এই প্রকার প্রস্তাব করিলেন, যে
 দ্বাভে নৌকা চালনা না করিয়া কেবল দিবসে
 চালনা করাই কর্তব্য। কিন্তু গোত্ৰাধিপতি
 খীর দ্বীপ পরিবারে অত্যন্ত আসক্ত ছিলেন,
 এ নিমিত্ত শীত্ৰ গৃহে গমন করিয়া তাহারদের
 সহিত একত্রে যিশুখ্রীষ্টের জন্মোৎসব সম্পা-
 দন করণার্থ ব্যগ্র ও প্রতিজ্ঞাকৃত হইয়া দিবা-
 রাত্র সমভাবে জাহাজ চালাইতে অনুমতি
 করিলেন। যে দিন এই আদেশ দিলেন, সেই
 দিন দ্বাভেই সমুদার জাহাজ ওলন্দাজদিগের
 দেশের নিকট এক চড়ায় গিয়া লাগিল। তুই
 খান জাহাজ এক কালে চূর্ণ হইয়া গেল, এবং
 তত্ৰস্থ সমস্ত ব্যক্তি মৃত্যু-মুখে পতিত হইল।
 আর এক খান গিয়া সমুদ্র তটে লগ্ন হইল।
 সে জাহাজের মাল্যার। যদিও মৃত্যুর দস্ত হই-
 তে রক্ষা পাইল, কিন্তু শত্রুর হস্তে পতিত
 হইয়া কয়েক বৎসর পর্য্যন্ত কারাবদ্ধ ছিল।
 যদিও চৌতিক নিয়ম লঙ্ঘনই এই বিপদ ঘট-
 নার মুখ্য কারণ, কিন্তু গোত্ৰাধিপতির নিকট
 প্রবৃত্তির অবলম্বন ইহাতেই ইহার মূল্যপাত
 হয়। যদি তাঁহার আপদলিপ্সার ন্যায় উ-

প্রাকৃতিক নিয়মের সমবেত কার্য ১৫৭

পচিকীর্বা, ন্যায়পরতা ও বুদ্ধিবৃত্তি বঙ্গবতী থাকিত, এবং তাঁহার এ প্রকার বোধ হইত, যে আত্ম পরিবারের ইচ্ছা চেষ্টা করা যেমন আবশ্যিক, আপন অধীনস্থ পোতস্থ ব্যক্তিদ্বিগের মঙ্গল চেষ্টা করাও সেইরূপ কর্তব্য, বিশেষতঃ যদি তাঁহার একপ বোধ হইত, যে এপ্রকার হুঃসাহসিক কার্য করিলে আপনার প্রাণ নাশ হইয়া স্ত্রী পরিবারেরও অশেষ ক্লেশ উপস্থিত হইতে পারে, তবে তিনি এ প্রকার বিরুদ্ধ ব্যবহারে কদাপি প্রবৃত্ত হইতেন না।

এক জন পোতবাহু কুহু সাহেবকে কহিয়াছিল, যে আমি একবার এক জাহাজের কর্মে নিযুক্ত হইয়া আমেরিকার দিরাহিলাম; তাহার পোতাধার জতি উত্তম লোক। তিনি দেশ বিশেষের জল বায়ুর গুণ অবগত ছিলেন, এবং কটিকার পূর্ব লক্ষণ দেখিয়া জানিতে পারিতেন। এক দিন তিনি ব্যত হইয়া উপরকার মালিক নামাইলেন, পালের দণ্ড মত করিলেন, কামান সকল বন্ধন করিলেন, এবং পোতস্থ প্রত্যেক ব্যক্তিকে ছয় প্রহরের উপযুক্ত খাদ্য দ্রব্য সংগ্রহ করিয়া

১৫৮ প্রাকৃতিক নিয়মের সমবেত কার্য

ব্রাখিতে করিলেন। এই সমুদায় ব্যাপার সম্পন্ন হইতে না হইতেই কটিকা উপস্থিত হইল। জাহাজের লোকেরা সকলেই একেবারে সতর্ক ও প্রস্তুত ছিল, যে যখন যে কার্য্য আবশ্যিক, তৎক্ষণাৎ তাহা নির্বাহ করিতে লাগিল। ইহাতে সে জাহাজ অনারামে বিপদ উত্তীর্ণ হইয়া নির্ঝিন্দু চলিল। তাহার সঙ্গীপবর্তি আর আর সমুদায় জাহাজ ছিন্ন ভিন্ন হইয়া পড়িল, এবং অনেক খানা ভগ্ন ও জল-মগ্নও হইল। ধর্ম্মপ্রবৃত্তি ও বুদ্ধিরূপের প্রাধান্য যে কি পর্য্যন্ত হিতকারক, তাহা এই উদাহরণ দ্বারা স্পষ্ট প্রতীত হইতেছে। যাহারাবুদ্ধিরূপিত্তি ও ধর্ম্মপ্রবৃত্তি বিপর্য্যক নিয়ম প্রতিপালন করিলেক, তাহারাই অবল-বায়ু-মুখে পতিত হইয়াও রক্ষা পাইল, এবং যাহারা উদ্বিগ্নে অধবেলা করিলেক, তাহারাই মৃত্যু-প্রাপ্তি পতিত বা ভাঙা ভাঙা বিপন্ন হইল।

বুদ্ধিরূপিত্তি বিপর্য্যক নিয়ম প্রতিপালিত হইয়া, গদ্যার্থ-জ্ঞান যত বৃদ্ধি হইবে, ভৌতিক ও শারীরিক নিয়ম প্রতিপালন করা তত সুকলম হইয়া আসিবেক। একদে অনেকাধিক বিদ্যা-

প্রাকৃতিক নিয়মের সমবেত কার্য ১৫৯

নিশাবাদ মহাশয় ব্যক্তি ঋতুিকার নিয়ম নি-
কপণার্থে যত্নবান হইয়াছেন। তাঁহার ত-
দ্বিধয়ে যত কৃতকার্য্য হইবেন, লোকে ঋতিকা
বিষয়ক নিয়ম অতিপালনে তত সমর্থ হইতে
ধাকিবে। প্রভ হওয়া গিয়াছে, নবজীলও-
বাসি লোকে বড় রুষ্টির পূর্ব লক্ষণ দেখিয়া
এমন বুঝিতে পারে, যে তাঁহা শুনিয়া বিস্ময়া-
পন্ন হইতে হয়। কাপ্তেন ক্রুজ সাহেব স্বীয়
বয়সাদিগের সমভিব্যাহারে জল পথে ভ্রমণ
করিতে গিয়াছিলেন, তাঁহারদের নৌকায় ন-
বজীলওবাসী এক ব্যক্তি ছিল। এক দিবস
সায়ং কালে সেই ব্যক্তি আকাশ মণ্ডলে কিছু
মাত্র মেঘ না দেখিয়াও কহিলেক, কল্যাণত্যাগ
হুঁটি হইবেক। বাস্তবিক, পর দিবস প্রা-
তঃকালে ঘোরতর জলবর্ষণ হইয়া তাঁহার
ভবিষ্যদ্বাণী সম্পন্ন হইল।

ঋতিকা বিষয়ক নিয়ম সুন্দর কাপে নিকপিত
হইলে পরে, কি প্রকারে তাঁহার উপাস্তি
হয় ও তদ্বারা কি উপকারই বা দর্শে, তাঁহা
সমিশেষ অবগত হওয়া বাইবেক। কিন্তু যে
সকল ভৌতিক নিয়ম নিকপিত হইয়াছে, তাঁহা
অতিপালন করিয়া চলিতে পারিলেও, এক্ষণে

১৬০ প্রাকৃতিক নিয়মের সমবেত কার্য

অটিকা-নদ্যাবিত অনেক অনিষ্ট নিবারণিত হইতে পারে। কত শত নৌকা পুরাতন ও জীর্ণ এবং অমভিজ্ঞ নাবিকদিগের দ্বারা চালিত হওয়াতে জল ও জল-মগ্ন হয়। অর্জুনস্পাহী বৃষ্টির প্রবলতা ও বুদ্ধিবৃষ্টির হীনতাই ইহার মূল কারণ।

সংসারে একেবারে কত শত কার্য-কারণ-প্রণালী চলিতেছে, তাহা কে গণনা করিতে পারে? যে কারণের যে কার্য তাহা অবশ্যই ঘটে, কিন্তু অন্য কারণ উপস্থিত হইয়া সে কার্যের সুবিধা করিতে বা বাতিলকর ঘটিয়াইতে পারে। লোকে সমুদায় কার্যের সমুদায় কারণ মিক্রপণে অসমর্থতা বশতঃ শুভাচুর্ট, ছুরদুর্ট, দৈবানুগ্রহ, দৈব-বিড়ম্বনা প্রভৃতি কতক গুলি শব্দ লইয়া মহা গোলযোগ করিয়া থাকে। যদি কোন নৌকা যথা নিয়মে চালিত না হওয়াতে জল-মগ্ন হয়, আর নৌকাক্রান্ত ব্যক্তিদিগের মধ্যে কেহ কেহ মন্তরণ দ্বারা রক্ষা পায়, এবং অবশিষ্ট সকলে উত্তীর্ণ হইতে না পারিয়া নদীতে নিমগ্ন হইয়া প্রাণ ত্যাগ করে, তবে লোকে এই প্রকার জ্ঞান করে, যে যাহারা উত্তীর্ণ হইল, পরমেশ্বর

প্রাকৃতিক নিয়মের সমবেত কার্য ১৬১

বিশিষ্ট রূপে এসন্ন হইয়া তাহারদিগকে রক্ষা করিলেন, এবং দ্বাহারা জল-মগ্ন হইয়া নষ্ট হইল, পরমেশ্বর তাহারদিগকে বিভ্রম্না করিয়া নষ্ট করিলেন। একপ বিবেচনা নিতান্ত ভ্রান্তি-মূলক। পরমেশ্বর যে স্বয়ং সমস্ত বিশেষে কাহারও প্রতি এসন্ন ও কাহারও প্রতি অএসন্ন হইয়া কোন শুভাশুভ ফলের উৎপত্তি করেন, ইহা যুক্তি-সিদ্ধ নহে। সকল কার্যই নির্দিষ্ট কারণ হইতে উৎপন্ন হয়, এবং পরমেশ্বর-প্রতিষ্ঠিত সাধারণ নিয়মানুসারে ঘটিয়া থাকে। ভৌতিক নিয়ম লঙ্ঘন হওয়াতে নৌকা জল-মগ্ন হয়, সামাজিক নিয়ম লঙ্ঘন পূর্বক অনিশ্চয় নাবিকের নৌকায় আরোহণ করিলে সঙ্কটে পতিত হইতে হয়, জগদীশ্বর জলের সহিত মানব-দেহের যেকোন সম্বন্ধ নিবন্ধন করিয়া দিয়াছেন, তদনুসারে সঙ্করণ করিতে না পারিলে, নদী বা সমুদ্র-গর্ভে প্রবর্ত্ত হইয়া প্রাণ পরিত্যাগ করিতে হয়, এবং তদ্ব্যবসে সমর্থ হইলে উত্তীর্ণ হইতে পারা যায়। ইহার সমুদায় ব্যাপারই পরমেশ্বর-প্রতিষ্ঠিত প্রাকৃতিক নিয়মানুসারে সম্পন্ন হইয়া থাকে। এ ঘটনার পূর্বে কাহা-

১৬২ প্রাকৃতিক নিয়মের সমবেত কার্য
 রও শুভাদৃষ্ট বা দুঃদৃষ্ট নিকপিত থাকে না,
 এবং পরমেশ্বরের অনুগ্রহ বা মিগ্রহও ইহার
 কারণ নহে।

আমরা কার্য কারণ বিবেচনা পূর্বক যে
 সম্বন্ধ করিয়া কোন কর্মে প্রবৃত্ত হই, অন্য
 কারণ উপস্থিত হইয়া তৎ সাধনের ব্যতিক্রম
 ঘটিলেই তাহাকে দৈব ঘটনা করিয়া থাকি।
 যদি কোন বণিক নৌকা করিয়া দূর দেশে
 গিয়া ভ্রম প্রেরণ করেন, আর পথ মধ্যে প্রবল
 বাতিকা উপস্থিত হইয়া তাহা জল-মগ্ন হয়,
 তবে লোকে ইহাকে কুগ্রহ, দুঃদৃষ্ট ও পর-
 মেশ্বরের বিড়ম্বনার কল বলিয়া উল্লেখ করে।
 কিন্তু বাস্তবিক, ইহা পূর্ব দুঃদৃষ্টের ফলও
 নহে এবং পরমেশ্বরের বিড়ম্বনার কার্যও
 নহে। সুগ্রহ কুগ্রহ এ দুই শব্দের অর্থ নি-
 তান্ত অলীক*। সমুদ্রার ব্যাপারই জগদী-

* মঙ্গল, বুধ, শুক্র, শনি প্রভৃতি গ্রহ সকল প্রস্তরাদির
 ন্যায় ভাঙপদার্থ। বুদ্ধিজীবী জীবের ন্যায় তাহারদের
 সম্বন্ধ সম্প্রদায়, প্রযুক্তি নিবৃত্তি, অনুগ্রহ মিগ্রহ থাকে
 কোন ক্রমেই সম্ভাবিত নহে। আর যদি তাহারদের এই
 সকল ভাব থাকিত, তাহা হইলেও মর্ত্য লোকজ অনুষ্ঠাদিগের
 সহিত তাহার কি সম্বন্ধ? পরমেশ্বরের যে শতাব্দীর নিয়ম
 সংস্থাপন করিয়াছেন, তদনুসারেই সমস্ত কার্য সম্পন্ন

আকৃত্তিক নিয়মের সমবেত কার্য ১৩৩
 শ্বরের সাধারণ নিয়মানুসারে ঘটিয়া থাকে।
 বণিক্ আপন পণ্য দ্রব্যের ক্রয় বিক্রয়াদি সং-
 ক্রান্ত কার্য্য কারণ বিবেচনা পূর্ব্বক অর্থ-
 লাভ প্রত্যাশায় প্রত্যাশাপন্ন থাকে, তা-
 হার অলঙ্কিত ঝটিকাদি বিষয়ক নিয়মানুযায়ী
 অন্য ঘটনা উপস্থিত হইয়া তাহার সে আশা
 ভঙ্গ করে। কিন্তু বাণিজ্য সংক্রান্ত নিয়ম ও
 ঝটিকা মহাক্কীয় নিয়ম উভয়ই পরমেশ্বরের
 প্রতিষ্ঠিত, এবং উভয়ই স্বতন্ত্র থাকিয়া নিদিষ্ট
 প্রণালী ক্রমে কার্য্য করিতেছে। আমরা
 সেই সমুদায় নিয়মানুসারে কার্য্য করিতে না
 পারাতেই, চূৰ্ঘটনা ঘটিয়া থাকে।

যেমন অলঙ্কিত কারণান্তর দ্বারা লঙ্কিত
 কার্য্যের ব্যাঘাত হয়, সেইরূপ কখন কখন
 সুবিধাও হইয়া থাকে। যদি কোন বণিক্
 দূর দেশে কোন পণ্য দ্রব্য প্রেরণ করে, আর
 সেই সময়ে সে দেশে তাহার মূল্য একেবারে
 চতুর্গুণ বৃদ্ধি হয়, তবে সেই বণিকের আশা-
 তীত অর্থ লাভ হয়। লোকে একপ্রকার ঘট-

হয়। গ্রহের ভুষ্টি ক্রমিতে লোকের সুখ দুঃখ উৎপন্ন
 হয়, একথা সম্ভিদ্যাশালি বিজ্ঞ লোকদিগের নিকট কহি-
 লে হাস্যানন্দ হইতে হয়।

১৬৪ প্রাকৃতিক নিয়মের সমবেত কার্য

নাকে সুগ্রহ, শুভাদৃষ্ট, দৈবানুগ্রহ, ঈশ্বরানু-
গ্রহ প্রভৃতি বলিয়া থাকে, কিন্তু এ ঘটনার পু-
রুষেও বর্ণিকের শুভাদৃষ্ট নিকপিত ছিল না, এবং
ঈশ্বরের বিশেষ অনুগ্রহ বশতঃও ইহা ঘটে
নাই। তিনি যে সকল সাধারণ নিয়ম সংস্থাপন
করিয়া বিশ্ব-রাজ্য পালন করিতেছেন, তদনুসা-
রেই সকল প্রকার শুভাশুভ কল উৎপন্ন হয়।

যে কারণের যে কার্য তাহা অবশ্যই
ঘটে। তবে সংসারে নানা প্রকার কারণ
মিলিত হইয়া এক এক কার্যের উৎপত্তি
করে, ইহাতেই সকল সময়ে সকল কার-
ণের সমান কার্য প্রত্যক্ষ হয় না। যদি ছুই
ব্যক্তি সমান পরিমাণে গুরু-পাক দ্রব্য ভক্ষণ
করে, আর তাহাতে এক ব্যক্তির উদরাময়
জন্মে, এবং অন্য ব্যক্তির শারীরিক সুস্থতা ও
পুষ্টি বর্দ্ধন হয়, তবে যে সেই দ্রব্য ভিন্ন ভিন্ন
শরীরে প্রবিষ্ট হইয়া ভিন্ন ভিন্ন স্বভাব ধারণ
করে এমনত নহে। মানব দেহের সহিত তাহার
যে স্বাভাবিক সম্বন্ধ আছে, কিছুতেই তাহার
অন্যথা হয় না। ব্যক্তি বিশেষের পরিপাক-
শক্তির তারতম্যানুসারে তাহার কার্যের ভি-
ন্নতা হইয়া থাকে।

প্রাকৃতিক নিয়মের সমবেত কার্য ১৬৫

কোন কারণ অতিক্রম বা কোন নিয়ম স্থ-
গিত করাও যায় না। মাধ্যাকর্ষণ দ্বারা
পৃথিবীস্থ সমস্ত বস্তু ভূতলে বদ্ধ হইয়া রহি-
য়াছে। সেই সাধারণ নিয়মের অনুগত
থাকাতে, মানব দেহও উর্দ্ধে উত্থিত হইতে
পারে না। কিন্তু মনুষ্য বেলাুন যন্ত্র সহকারে
উর্দ্ধগামী হইতে পারেন বলিয়া, লোকে ভ্রান-
করিতে পারে, যে তিনি পৃথিবীর আকর্ষণ
অতিক্রম করিয়া যান। বস্তুতঃ, আকর্ষণ অতি-
ক্রম করা দূরে থাকুক, ইহা ঐ আকর্ষণ
শক্তিরই কার্য। যেমন শোলা ও তৈল জল-
মধ্যে নিমগ্ন করিয়া দিলেও ভাসিয়া উঠে,
সেইরূপ বেলাুন যন্ত্র বায়ুর মধ্য দিয়া উর্দ্ধ-
গামী হয়। পৃথিবী বায়ুকেও যেমন আকর্ষণ করে,
বেলাুন যন্ত্রকেও তেমনি আকর্ষণ করে। কিন্তু
বেলাুন যন্ত্রে যে বাষ্প থাকে, তাহা একপ-
লম্ব, যে সমুদায় বেলাুন তাহার আয়তন-প্র-
মাণ বায়ু রাশি অপেক্ষার লম্বতর হইয়া উর্দ্ধ-
গামী হয়। অতএব, এখানে পৃথিবীর আক-
র্ষণ-ক্রিয়ার কিছু মাত্র ব্যতিক্রম ঘটে না।
ফটিলগের অন্তঃপাতি ম্যান্গো নগরে একবার

১৬৬ প্রাকৃতিক নিয়মের সমবেত কার্য

জ্বর-রোগ প্রবল হইয়া অত্যন্ত মরক উপস্থিত হয়। তথাকার ধনী, নির্ধন, ভদ্র, অভদ্র প্রায় সকল পরিবারেই ঐ রোগ প্রবর্ত হইয়াছিল। কিন্তু আশ্চর্য্য এই, যে তথাকার কারাগারের এক ব্যক্তিও তদ্বারা আক্রান্ত হয় নাই। ইহাতে লোকে মনে করিতে পারে, যে কারাগারের অধ্যক্ষেরা শারীরিক নিয়ম অতিক্রম করিবার কোন সন্ধান প্রাপ্ত হইয়াছিলেন তাহার সন্দেহ নাই। কিন্তু প্রাকৃতিক নিয়ম অতিক্রম করা কোন ক্রমেই সম্ভাবিত নহে। বায়ুর সহিত অ-হিতকারী দুর্ঘট বাষ্প মিশ্রিত থাকিলে জ্বর রোগের আবির্ভাব হয়, এবং যাহারদের শরীর দুর্বল ও নিস্তেজ, তাহারা তদ্বারা আশু আক্রান্ত হয়। এই নিয়ম অবগত থাকিতে, কারাগারের অধ্যক্ষেরা তথায় উত্তম রূপ বায়ু সঞ্চারের ও পরিষ্কারের উপায় করিয়া দিয়াছিলেন, এবং কারারুদ্ধ ব্যক্তিদিগকে যথোচিত হিতকারি খাদ্য প্রদান করিয়াছিলেন। ইহাতেই তথায় মরক উপস্থিত হইতে পারে নাই। অতএব, শারীরিক

প্রাকৃতিক নিয়মের সমবেত কাৰ্য্য ১৬৭
নিয়ম অতিক্রম করা দূরে থাকুক, তাহা প্রতি-
পালিত হওয়াতেই, কারারুদ্ধ ব্যক্তির মারী-
ভয় হইতে নিস্তার পাইয়াছিল।

কলতঃ, পরমেশ্বর যে সকল নিয়ম সংস্থা-
পন করিয়াছেন,—যে সকল অথগু্য আত্মা
প্রকাশ করিয়াছেন, তাহা অতিক্রম করা যায়
ও তাহা অতিক্রম করিলে নুৰ্খ লাভ হয়, এ
প্রকার জ্ঞান করাও নিতান্ত অজ্ঞানের কাৰ্য্য।
তিনি যে বিষয়ে যে নিয়ম করিয়াছেন, তাহা
অতিক্রম করিবার উপায় নাই, এবং যে কা-
র্য্যের যে কল বিধান করিয়াছেন, তাহা পরি-
ত্যাগ করিবারও সম্ভাবনা নাই।

নবমাধ্যম

প্রাকৃতিক নিয়ম প্রত্যেক ব্যক্তির মুখ-
জনক কি না তাহার বিচার

কেহ কেহ এই প্রকার আপত্তি উত্থাপন
করিয়া থাকেন, যে যখন সৰ্ব সাধারণের
মঙ্গলামঙ্গল বিবেচনা করা যায়, তখন সমু-
দায় প্রাকৃতিক নিয়মই কল্যাণদায়ক বোধ
হয় বটে, কিন্তু যখন ব্যক্তি বিশেষের মুখ-
জুগুপ্‌সার বিষয় আলোচনা করা যায়, তখন
তাহারা কেবল ক্রেশের কারণ রূপে প্রতীত-
মান হয়। বিচার কালে জগতের নিয়ম-
শৃঙ্খলা অতি সুচারু বোধ হয় বটে, কিন্তু
কার্য্য কালে তাহার অন্যথা হইয়া উঠে।
বিবেচনা করিয়া দেখিলে, এই পূৰ্ব প-
ক্ষের সিদ্ধান্ত করা অতি সুগম। যাহা সৰ্ব
সাধারণের শুভদায়ক, তাহা অবশ্য প্রত্যেক

প্রাকৃতিকনিয়ম প্রত্যেকব্যক্তির সুখজনক ১৬৯
 ব্যক্তিরও শুভদায়ক তাহার সন্দেহ নাই।
 যে নিয়মকে মানব-জাতির সুখদায়ক বলা
 যায়, তাহা প্রত্যেক মনুষ্যেরও সুখদায়ক ব-
 লিতে হইবে, কারণ প্রত্যেক মনুষ্য কখন
 মনুষ্য-জাতি হইতে ভিন্ন নহে। যেমন এক
 একটি ভিন্ন ভিন্ন বৃক্ষের সমষ্টিকে বন বা উপ-
 বন বলা যায়, সেইরূপ সমুদায় ভিন্ন ভিন্ন
 মনুষ্যের সমষ্টিকে মনুষ্য-জাতি বলে। যেমন
 বৃক্ষের জল বন বা উপবনের পক্ষে উপকার-
 জনক বলিলে, উহাকে তদ্রূপ প্রত্যেক বৃক্ষের
 পক্ষে উপকারজনক বলা হয়, সেইরূপ যে
 নিয়ম মানব-জাতির শুভদায়ক, তাহা প্র-
 ত্যেক মানবেরও শুভদায়ক তাহার সন্দেহ
 নাই। কাহারও অনিষ্ট সাধন করা কোন
 নিয়মের উদ্দেশ্য নহে, সমুদায় অমঙ্গলই
 নিয়ম লঙ্ঘনের ফল। গম্পাছলে অতি সুগম
 করিয়া এবিষয় প্রতিপাদন করা যাইতেছে।

এক স্থপতি কোন গৃহস্থের গৃহ সংস্কার
 করিতেছিল, হঠাৎ পদ-স্থলন হওয়াতে,
 হাদের উপর হইতে ভুতনে পতিত হইয়া
 সর্বদায়ে আহত ও ভগ্ন-পাদ হইল। ইহাতে
 সে অত্যন্ত বেদনা প্রাপ্ত হইয়া বিধাতার

১৭০ প্রাকৃতিক নিয়ম প্রত্যেক ব্যক্তির

প্রতি দোষারোপ করিয়া কহিতে লাগিল,
“হে বিধাতাঃ! কে তোমার সৃষ্টির প্রশং
সা করে? তুমি অতি নির্দয়! তুমি আমা-
কে এমন অজ্ঞান ও অশক্ত করিয়াছ, যে আমি
এই বিঘ্ন বিপদে পতিত হইবার অব্যবহিত
পূর্বে কণেও জানিতে পারিলাম না, এবং এই
ছুৰ্ঘটনা ঘটিবার সময়ে তাহা আর নিবারণ
করিতেও সমর্থ হইলাম না।” বিধাতা তাহা-
র কথার কণ পাত করিয়া কহিলেন, “বৎস!
তুমি আমার কোন্ নিয়মের দোষোন্মেষ
করিতেছ বল, তাহার প্রতীকার করি।” হ-
পতি উত্তর করিল, “হে ব্রহ্মন্! যে নিয়ম
বাক্যে পৃথিবীর নিকটস্থ সমস্ত বস্তু পৃথি-
বীতে পতিত হয়, লোকেশ্বাহ্যকে মাধ্যাকর্ষণ
বলে, তদ্বারা আমার এই বিঘ্ন বিপত্তি ঘটি-
য়াছে। আমি হাদের প্রান্তে অবস্থিত হই-
য়া কার্য্য করিতেছিলাম, হঠাৎ তাহার এক
খান শিথিল ইককের উপর পদ্যাপন করিতে,
একবারে ভুতলে পতিত হইয়া মৃত-প্রায়
হইয়াছি।” ইহা শ্রবণ করিয়া বিধাতা বলি-
লেন, “আমি তোমাদের মঙ্গল সঙ্কল্প ক-
রিয়া এই নিয়ম সংস্থাপন করিয়াছি, ইহাতে

সুখজনক কি না তাহার বিচার ১৭১

তুমি যদি সন্তুষ্ট না হইলে, তবে যে বর তোমার অভিষ্ঠা হয় প্রার্থনা কর, আমি তাহাই প্রদান করিব।” তাহাতে হুপতি অতিশয় আনন্দিত হইয়া নিবেদন করিল, “হে করুণাময় লোকনাথ! আমার স্বর্কক্ষে যে দারুণ বেদনা হইয়াছে, তাহার শান্তি কর, এবং যাহাতে আমাকে তোমার ঐ মাধ্যাকর্ষণ বিষয়ক নিয়মের অধীন থাকিতে না হয় তাহার উপায় করিয়া দেও।” ইহাতে ভগবান্ ‘তবাস্তু’ বলিয়া অন্তর্হিত হইলেন।

হুপতি পরম পুলকিত হইয়া পুনঃপুনঃ বিধাতা পুরুষের ধন্যবাদ করিতে লাগিল, এবং তদন্তে তিন্তে তাঁহার অতি কৃতজ্ঞতা প্রকাশ করিল। তাহার সমুদায় গাণ্ড-বেদনা দূরীকৃত হইল, এবং শরীর পূর্ববৎ ঠাণ্ডাভিষ্ হইয়া ছাদের উপর স্থাপিত হইল। ইহাতে সে অত্যন্ত বিস্ময়াপন্ন হইয়া চতুর্দিক্ অবলোকন করিতে লাগিল, এবং আপনাকে কৃতকার্য্য মানিয়া সাতিশয় হবিত হইল। পরে ছাদের উপরে পদ বিক্ষেপের চেষ্টা করিয়া দেখে, যে পূর্ববৎ আর চলিতে পারে না। সে আর পূর্বোক্ত মাধ্যাকর্ষণ বিষয়ক নিয়-

১৭২ প্রাকৃতিক নিয়ম প্রত্যেক ব্যক্তির

মের অধীন ছিল না, অতএব তাহার পক্ষে
মাধ্যাকর্ষণ থাকা আর না থাকা তুল্য হইল।
শরীরের ভারবদ্ধ বশতঃ পৃথিবীতে পদ বি-
ক্ষেপ করা যায়, কিন্তু মাধ্যাকর্ষণই ভারের
কারণ; অতএব মাধ্যাকর্ষণ না থাকিলে পদ
চালনা করা সম্ভাবিত হয় না। পরে সে ক-
ণিকে করিয়া ছাদের উপর চুণ গুঁড়ি দিবার
চেষ্টা করিলেক। কিন্তু কি আশ্চর্য! তাহা ছাদে
পতিত না হইয়া শূন্যেতেই থাকিল; কারণ
পৃথিবী দ্বারা আকৃষ্ট না হইলে কোন দ্রব্য
পতিত হয় না। স্থপতি এই সমস্ত অসম্ভাবিত
ব্যাপার দৃষ্টে অত্যন্ত ভয়ানক হইয়া ছাদ
হইতে অবতরণ করিবার চেষ্টা করিল, কিন্তু
তাহার শরীর মাধ্যাকর্ষণ বিষয়ক নিয়মের
অধীন ছিল না, অতএব তাহার পদ দ্বয় ভূত-
লে আকৃষ্ট না হওয়াতে, বেলুন যেমন আকা-
শে স্থির হইয়া থাকে, সে তেমনি শূন্যে শূন্যে
ঝুলিতে লাগিল। আর যাতনা সহিতে না পারি-
য়া স্বীয় শরীর ভূতলে নিক্ষেপ করিবার চেষ্টা
করিল, তথাপি তাহা অধঃপতিত হইল না।

ইহাতে স্থপতি অত্যন্ত ভীত ও যাতনা-
গ্রস্ত হইয়া, 'হা বিধাতা' 'হা বিধাতা' বলিয়া

সুখজনক কিনা তাহার বিচার ১৭৩

উঠেঃশ্বরে চীৎকার করিতে লাগিল। পুরুষ
রূপালু প্রজাপতি তাহা জ্ঞাবণ পূর্বক কহিলেন,
“ বৎস! আবার তোমার কি বিপত্তি ঘটয়া-
ছে, যে তুমি পুনর্বার ক্রন্দন করিতেছ। তো-
মার অসন্তোষের বিষয় আর কি আছে?
তুমি যে ভৌতিক নিয়মের অধীন থাকিতে
হাঁদ হইতে পতিত হইয়াছিলে, তাহা তো-
মার পক্ষে স্থগিত করিয়া রাখিয়াছি। তো-
মার গাত্র-বেদনার শাস্তি হইয়াছে, আর
হস্ত-গদাদি ভয় হইবার সম্ভাবনা নাই।
তবে কি নিমিত্ত পুনর্বার বিলাপ করিতেছ?”

ইহা শুনিয়া স্থপতি কহিলেক, “ হে
ব্রহ্মন্! অপরাধ ক্ষমা কর। কেবল অজ্ঞানা-
চ্ছন্ন ও স্পর্ধামুক্ত হইয়া এমন বিরুদ্ধ বর প্রা-
র্থনা করিয়াছিলাম। আমাকে পূর্ববৎ বে-
দনাগ্রস্ত করিয়া রাখ দেও ভাল, তথাপি পু-
নর্বার মাধ্যাকর্ষণ বিষয়ক নিয়মের অধীন
করিয়া দেও।”

বিধাতা ‘তথাস্তু’ বলিয়া তাঁহার মন-
স্কামনা সিদ্ধ করিলেন। স্থপতি তৎক্ষণাৎ
পূর্ববৎ বেদনা-গ্রস্ত হইয়া শয্যা-শায়ী হইল,
শারীরিক নিয়ম লঙ্ঘনের প্রতিকূল স্বরূপ

১৭৪ প্রাকৃতিক নিয়ম প্রত্যেক ব্যক্তির

রোগ ভোগ করিয়া পুনর্যার প্রকৃতিস্থ হইল,
এবং পূর্ববৎ ছাদের উপর আরোহণ করিয়া
গৃহ-সংস্কার আরম্ভ করিল। মাধ্যাকর্ষণ-
বিষয়ক নিয়ম মহোপকার-জনক জানিয়া
সকৃৎজ্ঞাতিতে বিধাতাকে অগণ্য ধন্যবাদ ক-
রিল, এবং তদ্বিষয়ে বুদ্ধিবৃত্তি নিয়োজন পূর্বক
ঐ নিয়মের যথার্থ তত্ত্ব শিক্ষা ও তৎপ্রতি-
পালন করিয়া নির্ঝিঘ্নে কাল যাপন করিতে
লাগিল। এ বিষয় যত আলোচনা করিলেক,
ততই পরম বিধাতা পরমেশ্বরের অচিন্ত্য
জ্ঞান ও অপার করুণার প্রচুর প্রমাণ প্রাপ্ত
হইয়া পরমানন্দ লাভ করিল, এবং তদ্বারা
তাহার বুদ্ধিবৃত্তি ও ধর্মপ্রবৃত্তি সকল পরি-
চালিত ও বর্দ্ধিত হওয়াতে, তাহার বোধ
হইল, আমি এক অভিনব সুখ-রাজ্যে আগ-
মন করিয়াছি।

বিধাতা স্থপতির মনোবাঞ্ছা-পূর্ণ করিয়া
যেমন অন্তর্হিত হইবেন, অমনি এক কৃষকের
আর্তনাদ শ্রবণ করিলেন। কৃষক উচ্চৈঃ-
স্বরে কহিতেছে “হে বিধাতঃ! তুমি আ-
মাকে কি অপরাধে এমন তুর্ভাগ্য করিয়াছ?
আমি যাতনায় অস্থির হইয়া অতি ক্লেশে কাল

মুখামুখক কিনাতাহার বিচার ১৭৫

যাপন করিতেছি। আমার এক এক দিবস এক এক বৎসর জ্ঞান হইতেছে।” বিধাতা তাহার আন্তরিক প্রার্থণ করিয়া কহিলেন, “বৎস! তুমি কি দুর্কিণাকে পতিত হইয়াছ? কি নিমিত্তই বা এত বেদ করিতেছ? আমার কোন নিয়মই বা তোমার ক্রোধকর হইয়াছে?” কৃপাণ প্রত্যুত্তর করিলেক “হে বিধাতা! দেখ, তোমার নিয়মানুবর্তি হইয়া ভূমি কর্ষণ, বীজ বপন, জল মেচন প্রভৃতি কষ্টসাধ্য কর্ম না করিলে অন্ন প্রাপ্ত হওয়া যায় না। আমি তোমার নিয়মানুসারে শস্যক্ষেত্রে কার্য্য করিতেছিলাম, এমন সময় কারিবর্ষণ হইতে লাগিল। সে জল যদি কেবল ভূমিতে বর্ষিত হইত, তবে হানি ছিল না, আবার আমার গায়েও পতিত হইল। তাহাতে আমার বস্ত্র আর্দ্র হইল, সর্কাদ শীতল হইল, অবশেষে অন্ন হইয়া ঘোর বিপত্তি উপস্থিত হইল। একগেদাহ সিংহসার অধীর হইয়া মুহূর্মুহ পাশ পরিবর্তন করিতেছি। হে বিধাতা! তুমি সন্তানের প্রতি অতি নির্দয়।”

প্রজাপতি তাহার বেদোক্তি প্রবণ পূর্বক কহিলেন, “বৎস! আমি তোমার বিতার্ক

১৭৬ প্রাকৃতিক নিয়ম প্রত্যেক ব্যক্তির

ভৌতিক ও শারীরিক নিয়ম সংস্থাপন করিয়াছি। তুমি তাহার নিত্য বিরুদ্ধাচরণ করিয়া এই যন্ত্রণা ভোগ করিতেছ। এ ক্লেশও এই নিমিত্ত নিয়োজন করিয়াছি, যে তুমি নিয়মলঙ্ঘনের দুঃখের ফল অবগত হইয়া আপনার কর্তব্য সাধনে যত্নবান থাকিবে। আর আমি তোমার কর্তব্য কর্ম সমুদায়ও তোমার নিরবচ্ছিন্ন-মুখজনক করিয়া দিয়াছি। এখন তোমার কি প্রার্থনা বল, তাহাই পূর্ণ করি।”

কৃষক কহিল, “হে ব্রহ্মন্! তোমার নিয়ম দ্বারা কি প্রকারে আমার উপকার দর্শিতে পারে? যখন আমি তোমার সমুদায় নিয়ম অবগত ও তৎ প্রতিপালনে সম্যক সমর্থ নহি, তখন তদ্বারা কেবল ক্লেশ ঘটনারই সম্ভাবনা। এক্ষণে এই ভিক্ষা, তোমার নিয়ম রূপ পাশ হইতে আমাকে মুক্ত কর, অন্য বর প্রার্থনা করি না।”

বিধাতা কহিলেন, “আমি তোমার রোগ শান্তি করিলাম, এবং যে সকল নিয়ম তোমার এ প্রকার ক্লেশকর হইয়াছে, তাহাও স্থগিত করিয়া রাখিলাম। অদ্যাবধি তোমার শ-

সুখজনক কি না তাহার বিচার ১৭৭
রীর ও বস্ত্রাদি জলে আর্দ্র হইবে না, তো-
মার গাত্র আর শীতল ও উষ্ণ বোধ হইবে
না, এবং তোমার অঙ্গ সকল আর বেদনা-গ্রস্ত
হইবে না। এখন সম্মত হইলে?”

ইহাতে কুবক পরম আনন্দিত হইয়া
কহিলেক, “হে কল্পণাময় বিধাতা! আমি
তোমার প্রসাদে চরিতার্থ হইলাম, আমার
অন্তঃকরণ কৃতজ্ঞতা বশে আর্দ্র হইল, আমি
তোমাকে পরম মঙ্গলাকর জানিয়া তোমার
আরাধনার প্রবৃত্ত হইলাম।”

কুবক এই কথা কহিতে কহিতে নীরোগ,
বলিষ্ঠ ও প্রফুল্ল-চিত্ত হইল, এবং তন্নিমিত্ত
বিধাতা পুরুষকে পুনঃ পুনঃ ধন্যবাদ করিতে
লাগিল। পরে ক্ষেত্রে গিয়া কার্য্যারম্ভ করিল।
তখন শরৎ কাল; বার্ষিক পর্য্যায় ক্রমে বৃষ্টি
ও রৌদ্র হইতে লাগিল; কিন্তু জলে তাহার
গাত্র ও বস্ত্র আর্দ্র হইল না, এবং রৌদ্রেও
তাহার শরীর উত্তপ্ত ও ঘর্ম্মাক্ত হইল না।
তাহার পক্ষে কতক ঔলি ভৌতিক ও নারীন্দ্রিক
নিয়ম রহিত হইয়া গিয়াছিল।

কুবক হৃদয় চিত্তে ক্ষেত্রের কার্য্য সম্পন্ন
করিয়া গৃহে প্রত্যাগমন পূর্ব্বক জল আহরণ

১৭৮ প্রাকৃতিক নিয়ম প্রত্যেক ব্যক্তির

করিয়া পাদ প্রক্ষালন করিল, কিন্তু অন্যান্য দিনের ন্যায় স্নিগ্ধ বোধ হইল না ; কারণ বিধাতার বরে তাহার শীতোষ্ণাদি অনুভব করিবার শক্তি ভিরোহিত হইয়াছিল। তদনন্তর নিকটবর্ত্তি নদীতে অবগাহন করিলেক, তাহাতেও পূর্বের ন্যায় আর শরীর স্নিগ্ধ ও লুবানুভব হইল না, এবং পরিধের বস্ত্র জল-মিক্ত না হওয়াতে তাহার মলা দূর হইল না। এই সকল ব্যাপার দেখিয়া ক্রমক্রমে অত্যন্ত উৎকণ্ঠিত হইল, এবং মনে মনে বিবেচনা করিতে লাগিল, আমি মনঃ-কল্পিত বর প্রার্থনা করিয়া সুখি চির কালের মিমিত্ত সুখে জলাঞ্জলি দিলাম। অবগাহনানন্তর অত্যন্ত চিন্তাশ্রিত হইয়া গৃহে প্রত্যাগমন পূর্বক একটি শিশু সন্তানকে ক্রোড়ে তুলিয়া তাহার মুখ চুম্বন করিল। কিন্তু কি আশ্চর্য্য ! পূর্বের যেমন তাহাকে ক্রোড়ে করিয়া স্পর্শ-সুখ লাভ করিত, সেক্ষণ অনুভব হইল না। তাহাকে দৃষ্টি করিলেক, এবং তাহার বাক্য শ্রবণ করিলেক, কিন্তু তাহাকে যে স্পর্শ করিতেছে এমত বোধই হইল না। সেই ক্রমকের স্পর্শানুভব-বিষয়ক শারীরিক নিয়ম স্থগিত হওয়াতে, সমুদায় গাত্র

মুখজনক কিনা তাহার বিচার :৭৯

স্পর্শহীন হইয়াছিল। সে স্নেহাভিযুক্ত নেত্রে সেই শিশু সন্তানকে দৃষ্টি করিয়া অত্যন্ত উৎসুক্য সহকারে তাহাকে গাঢ়রূপে আনিচ্ছন্ন করিল, কিন্তু কিছুতেই পূর্ববৎ স্পর্শ জ্ঞান ও সুখানুভব হইল না। অবশেষ তাহার কঠিন হৃদয় দ্বারা নিপীড়িত হওয়াতে, উক্ত শিশু উচ্চৈঃস্বরে চীৎকার করিয়া উঠিল। তখন ক্রমক্রমে মনে মনে শোচনা করিতে লাগিল, “আমি না বুঝিয়া কি গর্হিত কর্ম্মই করিয়াছি। আমার গর্ভে কতিপয় শারীরিক নিয়ম একেবারে স্থগিত হইয়াছে।” পরে অতিশয় রোদ্ধ সেবাদি অহিতাচার করাতে তাহার শরীর ভগ্ন হইতে লাগিল, কিন্তু তজ্জন্য ক্লেশানুভব না হওয়াতে তাহার প্রতীকার চেষ্টা করিলেক না। ইহাতে ক্রমক্রমে অকস্মাৎ আপনার মুমূর্ষু অবস্থা উপস্থিত দেখিয়া চিন্তা করিলেক, পূর্বাবধি আমার দেহ-বস্ত্র উচ্ছৃঙ্খল হইতে আরম্ভ হইয়াছে তাহার সন্দেহ নাই, কিন্তু আমার ক্লেশানুভব-শক্তি না থাকাতে, পীড়া অনুভব করিতে পারি নাই, সুতরাং রোগ শক্তির চেষ্টাও করি নাই। ইহাতে সে দুঃখে অভিভূত ও ভয়ে কম্পাশ্রিত হইয়া ব্যাকুলিত

১৮০ প্রাকৃতিক নিয়ম প্রত্যেক ব্যক্তির

চিত্তে কহিতে লাগিল, “হে বিধাতা! ভূ-
মণ্ডলে আমার পর ভাগ্যহীন মনুষ্য আর
কেহ নাই। আমি সমুদায় সুখে বঞ্চিত
হইয়াছি। আমার শরীর ভগ্নপ্রায় হইল,
তথাপি আমি রোগানুভব করিতে সমর্থ না
হওয়াতে, তাহার প্রতীকার চেষ্টা করিতে
পারি নাই। হে প্রজাপালক! তুমি আ-
মাকে এমন দুর্ভাগ্য কেন করিলে?”

বিধাতা তাহার রোদন শ্রবণ করিয়া
কহিলেন, “বৎস! যে সকল ভৌতিক ও
শারীরিক নিয়ম দ্বারা তোমার জ্বর ও ক্লেশ
হইয়াছে বলিয়াছিলে, তাহা আমি স্বপ্নিত
করিয়াছি। তোমার শরীরে আর বেদনা
বোধ ও উত্তাপাদি-জন্য ক্লেশানুভব হইবেক
না। তবে আর তুমি কি নিমিত্ত অসুখী,
এবং কি নিমিত্তই বা এত অসন্তুষ্ট?”

কৃষক কহিলেক, “হে ব্রহ্মন! বাহা
বলিলে যথার্থ বটে, কিন্তু তুমি আমাকে বিক-
লেঙ্গির করিয়া অতিশয় দুর্ভাগ্য করিয়াছ।
পূর্বে যেমন শস্য-ক্ষেত্রে আগমন করিলে
সুশীতলনির্মল বায়ু-হিল্লোলে শরীর শিথল
হইত, এখন আমার আর সে অপূর্ব সুখ

মুখজনক কি না তাহার বিচার ১৮১

অনুভব করিবার সামর্থ্য নাই। আমার
সন্তানেরা আমার ক্রোড়স্থ হইলে পূর্ববৎ
সুখানুভব হয় না। আমি রোগাক্রান্ত হই-
য়া মৃতবৎ হইয়াছি, তথাপি রোগ-জন্ম ক্রেশানু-
ভব না হওয়াতে তাহার প্রতীকার চেষ্টা
হইতেছে না। হে বিধাতা! আমি অতিশয়
ভুর্ভাগ্য হইয়াছি। আমি শোক-মাগরে নিমগ্ন
হইতেছি।”

বিধাতা বলিলেন, “আমি তোমাকে কি
প্রকারে গরিতুর্ক করিব? যখন আমি তো-
মাকে স্পর্শ-সুখাদি বোধে সমর্থ করিবার
নিমিত্ত ত্বগিল্মিয়ে স্পর্শ-শক্তি প্রদান করিয়া-
ছিলাম, এবং শারীরিক নিয়ম লঙ্ঘন হইলে
জানিতে পারিবে, এবং জানিয়া প্রতীকার
চেষ্টা করিবে, এই অভিপ্রায়ে শারীরিক ক্রেশ
বিধান করিয়াছিলাম, তখনও তুমি সন্তুষ্ট
ছিলে না। পৃথিবীকে স্নিগ্ধ ও কলবন্তী করি-
বার নিমিত্ত বারি বর্ষণ হয়; মনুষ্যাদির
রোগোৎপত্তি তাহার উদ্দেশ্য নহে। কিন্তু
তুমি বৃষ্টির সহিত শরীরের বহন না বুঝিয়া
অবিশ্রান্ত বৃষ্টি-জলে সিজ হইয়াছিলে, ইহা-
তেই তোমার অরোগোৎপত্তি হয়। বৃষ্টির

১৮২ প্রাকৃতিক নিয়ম প্রত্যেক ব্যক্তির

জন্মে আদ্য হওয়াতে, তোমার শারীরিক নি-
য়ম যত দূর লঙ্ঘিত হইয়াছিল, তাহার অ-
ধিক আর না হয়, ইহাই জ্ঞাপন করণার্থ জর-
জর্য ক্লেদ প্রেরণ করিয়াছিলাম; কারণ ক্রমা-
গত একুপ অত্যাচার করিলে তোমার প্রাণ বি-
রোগ হইত। যদি আবার তোমাকে আমার
শুভকর নিয়মের অধীন করিয়া রাখি, তবে
তুমি পুনর্বার আমার প্রদর্শিত পথ পরিত্যাগ
করিয়া আমাকে অন্যায়কারি বলিয়া নিন্দা
করিলেও করিতে পার।”

ইহা শুনিয়া কৃষক অতিশয় ব্যগ্রতা প্রদর্শন
পূর্বক কহিলেক, “হে করুণাময় বিধাতা!
একণে তোমার অচিন্ত্য জ্ঞান ও অপার ক-
রুণা স্পষ্ট রূপে দৃষ্টি করিতেছি, এবং আমার
মুঢ়তাও অঙ্গীকার করিতেছি। আমাকে
তোমার পরম মঙ্গলকর নিয়ম-প্রণালীর অধী-
ন করিয়া দেও। আমি সন্তোষ-চিত্তে স্বীকার
করিতেছি, তৎসমুদায়ের বিরুদ্ধাচরণ করিলে
যে প্রতিকূল প্রাপ্ত হওয়া যায়, তাহাও হিত-
কারক। আমার স্বগিল্পিত ও সংসদেণী
সকলকে প্রকৃতিস্থ করিয়া আমাকে পূর্ববৎ
স্পর্শাদি-জনিত দুখে অধিকারি কর। তৎ

সমুদায়কে যথা নিয়মে নিয়োগ না করিলে যে ক্লেশ উপস্থান হয়, তাহা আমি অমূল্য বদনে স্বীকার করিব।”

বিধাতা তাহার প্রার্থনা পূর্ণ করিলেন। তাহার জ্বর ও বাতনা পুনর্বার উপস্থিত হইল, কিন্তু ঐযথ সেবন দ্বারা অবিলম্বে প্রতীকার হইল। ক্রমে ক্রমে তাহার স্বাস্থ্য লাভ ও বলাধান হইল, এবং ইঞ্জির সকল পূর্ববৎ সতেজ ও সবল হইল। কৃষক এইরূপ চরিতার্থ হওয়াতে, তদবধি কোন দিবস বিধাতার অগ্ৰাধাণ্যবাদ ও তাঁহার নিকট কৃতজ্ঞতা স্বীকার না করিয়া জল গ্রহণ বা অন্ন ভোজন করিত না, এবং সমস্তাদিগকে ক্রোড়ে করিলে তাঁহার অগাধ ঐতিহ্যে আশ্রয় হইয়া নিরস্ত হইত না। তদবধি সে যখন কোন নিয়ম পালন করিয়া তাহার পুরস্কার স্বরূপ নির্মল মুখ লাভ করিত, তখন উৎসাহ পুরস্কার বানন্দ চিত্তে বিধাতা পুরুষকে স্মরণ করিয়া তাঁহার নিকট কৃতজ্ঞতা স্বীকার করিত, এবং যখন কোন নিয়ম লঙ্ঘন করিয়া ক্লেশ প্রাপ্ত হইত, তখন অবিলম্বে বিধাতৃ-প্রদর্শিত পথ অবলম্বন করিয়া গুরুতর দুঃখ-ঘটনা নিবারণ করিত।

১৮৪ প্রাকৃতিক নিয়ম প্রত্যেক ব্যক্তির

বিধাতা পুরুষ প্রকৌত্ত কবকের নিকট হইতে অন্তর্হিত হইয়া মাত্র আর এক ব্যক্তির আর্ন্তনাদ শ্রবণ করিলেন। সেঃ হাবিধাতা হাবিধাতাঃ বলিয়া চীৎকার করিতেছে শু-নিয়া, তিনি তৎক্ষণাৎ তাহার নিকট আবি-র্ভূত হইয়া জিজ্ঞাসা করিলেন, “বৎস! তুমি আবার কি কারণে আক্ষেপ করিতেছ?” সে কহিলেক, “হে ব্রহ্মন্! আমার পিতা ইঞ্জিয়-পরায়ণ হইয়া নানা প্রকার অহিতা-চার করিয়া শীঘ্র শরীর ভগ্ন করিয়াছিলেন, তাহার ভ্রূক্ষণ কালে আমি পীড়িত হইয়া দঃ-সহ যন্ত্রণা ভোগ করিতেছি। আমি বাতগ্রস্ত হইয়া অত্যন্ত ক্লেশ পাইতেছি; আমার অস্থি সকল ব্যথিত হইয়া বড়ই বাতন্। দিতেছে। তুমি আমার পিতার পাপের ফলে আমাকে পীড়িত করিয়া ন্যাস-বিরুদ্ধ কার্য্য করিয়াছ। হে বিধাতাঃ! যদি দুঃখালু ও মসরবান্ হও, তবে আমাকে এ বিপত্তি হইতে উদ্ধার করা।”

বিধাতা তাহার বাক্য শ্রবণ করিয়া কহি-লেন “পিতা মাতার প্রকৃতি-সিদ্ধ গুণাগুণ সন্তানে বর্ত্তে এই যে শারীরিক নিয়ম সংস্থা-

সুখজনক কিনা তাহার বিচার ১৮৫

পিতা আছে, তুমি ইহারই চেষ্টা লেখ করিতেছ। ভাল, জিজ্ঞাসি, তুমি পিতা হইতে বাত রোগ ভিন্ন অন্য কোন স্বাভাবিক শক্তি প্রাপ্ত হইয়াছ কি না?" রোগী উত্তর করিলেক, "হাঁ আমি অন্যান্য অনেক গুণ প্রাপ্ত হইয়াছি। আমি আশেব-সুখদায়ক ধমনী, মাংসপেশী, জ্ঞানেন্দ্రిয় ও মনোবৃত্তি সকল অধিকার করিয়া জন্ম গ্রহণ করিয়াছি। যখন বাতের বেদনা না ধরে, তখন আমার সৰ্ব্ব শরীর স্বচ্ছন্দ ও ক্ষুৰ্তিমুক্ত বোধ হয়। আমার ইচ্ছা মানে মাংসপেশী সকল উদযুগ্মি কার্য্য করিতে তৎপর হয়। ইন্দ্రిয় নমুনা-য়কে সুখ-রত্নের আকর স্বরূপ বলিলেও বলা যায়। প্রথমে প্রথমে মনোবৃত্তি সকল জ্ঞানানুশীলন ও ধর্ম্মালোচনা করিয়া চরিতার্থ হয়। কিন্তু হে ত্রাঙ্কন! তুমি আমাকে কি নিমিত্ত পিতার পাপাচরণের প্রতিকল স্বরূপ বাত রোগ প্রদান করিলে?"

বিধাতা বলিলেন, "তুমি অতি অদূরদর্শী, এই নিমিত্ত এ প্রকার অসন্তোষ প্রকাশ করিতেছ। তোমার পিতা আমার নিয়ম লঙ্ঘন করাতে পীড়িত হইয়াছিলেন। তোমার জন্ম

১৮৬ প্রাকৃতিক নিয়ম প্রত্যেক ব্যক্তির

এহণ কালে তাঁহার শরীর রোগাক্রান্ত ছিল, অতএব তুমিও রোগীই দেহ প্রাপ্ত হইয়াছ। যে নিয়মানুসারে তাঁহার বল, বুদ্ধি, ইন্দ্রিয়-দৌৰ্ভব প্রভৃতি অধিকার করিয়াছ, সেই নিয়মানুসারেই তাঁহার ন্যায় অমুখ শরীর প্রাপ্ত হইয়াছ। যদি এ নিয়ম তোমার পক্ষে অনির্ভর হয়, বল, তাহা স্বগিত করিয়া রাখি।

ইহা শ্রবণ করিয়া রোগী কহিল, “হে করুণাময় বিধাতা পুরুষ! অগ্রে জিজ্ঞাসা করি, যদি তুমি এই নিয়ম স্বগিত কর, তবে আমি বল, বীৰ্য্য, ইন্দ্রিয়-দৌৰ্ভব প্রভৃতি যে সমস্ত সদগুণ অধিকার করিয়া জন্ম গ্রহণ করিয়াছি, তাহাও কি নষ্ট হইবে?” বিধাতা বলিলেন, “তাহার আর সন্দেহ কি? তৎসমুদায়ই নষ্ট হইবে। যে নিয়মানুসারে তৎসমুদায় লাভ করিয়াছ, সেই নিয়মানুসারেই পৈতৃক রোগও প্রাপ্ত হইয়াছ। অতএব, সে নিয়ম রহিত হইলে তাহার শুভাশুভ সমুদায় কার্যই নষ্ট হইবে।”

বিধাতা শ্রবণের এই বাক্য সমাপ্ত হইতে না হইতে রোগী বলিয়া উঠিল, “হে ব্রহ্মন! ক্ষমা কর, আমি মরুতজ্জ চিত্তে তোমার এই

মুখ্যজনক কি না তাহর বিচার . ১৮৭

শারীরিক নিয়মের অধীন থাকিতে স্বীকার করিতেছি, এবং তাহা লঙ্ঘন করিলে যে প্রতি-কল প্রাপ্ত হইতে হয় তাহাও গ্রহণ করিতে প্র-স্তুত আছি । কিন্তু হে ব্রহ্মন্ ! পিতা তোমার নিয়ম লঙ্ঘন করিয়া শাস্তি প্রাপ্ত হইয়াছেন, এক্ষণে তাহা প্রতিপালন করিলে ক্লেশ-লাঘব বা রোগের শাস্তি হইতে পারে কি না বল ।”

বিধাতা বলিলেন, “ ক্লেশ লাঘব ও দুরী-করণ করাই আমার সমুদায় নিয়মের উদ্দেশ্য । তুমি যদি তোমার পিতার ন্যায় নিয়ত অহি-তাচার করিতে, তবে এত দিনে তোমার শ-রীর কেবল ব্যাধি-মন্দির হইত । বাস্তবিক, তোমাকে পিতার পাপময় পথ হইতে নিবৃত্ত করিবার নিমিত্ত এই পিড়ুগত পীড়া প্রদান করিয়াছি । এই ক্লেশ তোমার বন্ধক স্বরূপ হইয়া তোমাকে সাবধান না করিলে, তুমি পা-পাচরণে প্রবৃত্ত থাকিয়া অধিক দুঃখ প্রাপ্ত হইতে । এক্ষণে আমার নিয়মানুযায়ি ব্যব-হারে অবিরত নিযুক্ত থাক, তাহা হইলে তোমারও দুঃখ হ্রাস হইবে এবং তোমার সম্ভানেরাও বিশুদ্ধ প্রকৃতি প্রাপ্ত হইয়া মুখ শরীরে কাদ্যাপন করিবে ।”

১৮৮ প্রাকৃতিক নিয়ম প্রত্যেক ব্যক্তির

রোগা প্রজাপতির এই সকল হিত বাক্য
গ্রহণ করিয়া পরম পুলকিত হইল, এবং অতি
ভক্তিভাবে বিধাতা পুরুষকে বারম্বার স্তুতি ও
প্রণতি করিয়া তাঁহার নিতান্ত আজ্ঞাবহ হই-
ল। ইহাতে তাহার শারীরিক ক্লেশ ক্রমে ক্রমে
হ্রাস হইয়া স্বাস্থ্য-সুখের বৃদ্ধি হইল; এবং
তন্নিমিত্ত সে ব্যক্তি বিশ্ব-নিরন্তর বিধাতা পুরু-
ষের নিকট চিরজীবন কৃতজ্ঞতা রূপ পুণ্য-
পাশে বদ্ধ রহিল।”

বিধাতা পুরুষ পূর্বোক্ত পীড়িত ব্যক্তিকে
উপদেশ প্রদান করিয়া স্বর্গারোহণ করিতে-
ছেন, এমনত সময়ে শুনিলেন, এক বালক রো-
গের যাতনায় অস্থির হইয়া মুহূর্মুহু পাশ
পরিবর্তন পূর্বক ক্রন্দন করিতেছে। বিধাতা
জিজ্ঞাসিলেন, “বৎস! কি কারণে রোদন
করিতেছ? তোমার কি দুঃখ হইয়াছে?”
বালক ঘন ঘন নিশ্বাস পরিত্যাগ পূর্বক আন্ত-
স্বরে কহিল, “আমি পিতার কঠিন পীড়া ও
মাতার ভগ্ন প্রকৃতি অধিকার করিয়া জন্ম
গ্রহণ করিয়াছি। রোগে আচ্ছন্ন ও অভিভূত
হইয়া দিন যাপন করিতেছি। আমার মুখে
বাক্য সরিতেছে না; কথা কহিতেও ক্লেশ

সুখক্ষমক কিনা তাহার বিচার ১৮৯

হইতেছে।” বিধাতাজিজ্ঞাসা করিলেন, “তুমি কি পিতা মাতা হইতে রোগ ও যাতনা ব্যতিরেকে আর কিছুই প্রাপ্ত হও নাই? শরীর ও মনের এমন কোন শক্তি প্রাপ্ত হও নাই, যে তাহা সঞ্চালন করিয়া সুখ সন্তোষ করিতে পার?” বালক বলিল, আমার শরীর এমন দুর্বল এবং অস্থিরকরণ এমন নিশ্চেষ্ট, যে বোধ হয়, আমি কেবল ক্লেশ ভোগের নিমিত্তই জীবিত রহিয়াছি।” বিধাতা কহিলেন, “তোমার চিন্তা কি? আমার শারীরিক নিয়ম এখনি তোমার যাতনা শাস্তি করিবেক, এবং আমি তোমাকে ক্ষোভে লইয়া আশ্রয় প্রদান করিব।” এই কথা বলিতে না বলিতে শারীরিক নিয়মের ফল প্রত্যক্ষ হইল, বালকের দেহ মৃৎপিণ্ডসহ নিজীব হইয়া যাতনা-শূন্য হইল, এবং তাহার আত্মা তৎক্ষণাৎ বিধাতা পুরুষের নিকট গমন করিল।

তদনন্তর এক সমুদ্র-বণিক সমুদ্র-তরঙ্গে পতিত হইয়া উৎকণ্ঠায় বিধাতা পুরুষের দোষোন্মেষ করিতেছে শুনিয়া, তিনি তাহাকে জিজ্ঞাসা করিলেন, “আমি তোমার কি অনিষ্ট করিয়াছি, যে আমার এত নিন্দা করি-